

甘肅青史略卷二十三

清穆宗辛未同治十年春正月黃鼎上徙戎策總督左宗棠不納

馬化龍等請

黃鼎以叛回甚夥誅不勝誅若留之甘肅恐二三十年後又或弄兵潢池西已叛之回擇其少而壯者徙諸綠江各省俾得薰陶教育變化氣質以除匪乃上策於左宗棠其略曰昔者先零侵境趙充國遷之內地當煎作寇馬三三國時涼州休屠胡梁元碧等三千餘家降魏左將軍郭淮徙居安定之習習安忘經世之遠略後世輒訾議之今中堂亟遏凶操殺生柄處處置叛回不投諸遠省而徙之平涼所屬豈夫識微者之慮乎

慕壽祺曰回族人甘非一朝矣前代處之邊徼所以招附殊俗且別異華戎用心亦良苦矣大亂初平歸降之戶其衆黃鼎欲徙之南方為一勞永逸之計但新附者見徙其徘徊觀望者聞之內不自安是驅之使叛也且此屬衣毛食肉樂冬便寒南土溼熱居之不宜進失歸附之心退無藩衛之益置之中夏恐生後患

金積堡平馬化龍父子兄弟及偽統領等均伏誅

金積堡既平劉錦棠雷正綰等將

插靈州附近遷馬家灘回女插張家川遷馬化龍親屬於綠外各府堡遂誅馬化龍父子兄弟並逆黨偽統領參領佐領等官八十餘名其被脅之甘回三千餘名解赴平涼安插金積堡老弱婦女萬二千餘解固原附城數十里安插墾荒

清元年十月將
王言詠秦王沛
成言詠秦王沛
公曰始懷王遣
我固以能降寬
且人巳服降又
殺之不已解錦
案已受馬化龍
降今又殺之何
其與古異耶

贈君嘉壽堂先
生時從雷提督
正結軍征金積
堡著有從戎草
所記皆當日之
實在情形也

案左宗棠奏疏臣於金積堡各犯解訊時細心推鞠有供稱馬化龍能知未來事者如違
客來訪必預知同伴多寡之數從前官軍攻勦甯靈馬化龍父子兄弟悉眾抗拒預言官
軍將退回民無事之類有供稱馬化龍時露靈異療病則愈求嗣則得之類有供稱馬化
龍於投入新教之人向其自陳過犯撻罰皮鞭代為識悔即可免罪之類回性多疑善詐
異於常人然一經新教蠱惑即如醉如癡牢不可破及馬化龍詣營求撫意在一身塞咎
見奸諂回而請回目踵營看視者日凡數輩見馬化龍輒雙膝齊跪不呼之起不敢起如
非迷惑陷溺之深豈宜至此茲幸誅夷遷徙異患
可冀永除後二十餘年而馬元章復起於張家川

慶防紀略云馬化龍投誠後左侯欲貸其一死劉錦棠力爭至是行刑善出於不得已耳
從戎草紀錦棠致左侯啓有警句云義不共天難效寬宏之量時維正月羣聞歡笑之聲

善學夏竦疏中句也昔大禹下車泣罪論語曰如得其情則哀矜
而勿喜新正殺人聞而歡笑古今人之不相及何如此其徑庭哉

慕壽祺曰馬化龍雖叛踞金積多歷年所而宅心慈善視漢民如一家民心皆為之傾向
焉夫民心之於人國猶燈燭之有膏油樹木之有本根也思蛾之擾燈而撲之蛾未死而
膏已傾患蟲之蝕樹而掘之蟲未出而根先壞恐民之不服而殺之事未成而人已離雖
為寇盜未有不互解土崩者也馬化龍深明乎此汲汲焉以收拾人心為急務及其死也

金吳堡人民聞之無不墮淚與太
平國忠王李秀成受刑時無異

平涼大營提訊馬化龍家屬殺之

左宗棠將金積堡首逆馬化龍父子兄弟已令劉錦
棠概加誅夷外復派員將逆屬馬玉龍馬五十六馬

此舉似覺太過
深人不知古有
防宗室誠恐
賈知耶

五十九等男犯十六名馬氏馬輝氏馬毛抓馬毛啞啞等女犯七口又雇工牛占元
二十六名僕婢使女等九名一併提至平涼委員審取確供訊得馬玉龍即馬七與馬化
龍統理鎗礮等項雇工牛占元牛占寬等係黑龍江回民在馬化龍家十有餘年往來包
頭等處置買軍物同治七年官軍進剿即與同謀抗拒訊確即行斬決其馬五十六馬五
十九馬樹邦馬彥邦馬飛飛等均年未成丁訊明不知謀逆情事解交內務府聞割發往
新疆等處給官兵為奴馬化龍馬阿喜子馬進學馬啞啞均照例發閩廣給官兵為奴至
女犯馬化龍之妻女俱發往閩粵等省駐防為奴其訊明無從逆
之雇工僕婦使女等均發交平涼縣擇配安插免致再生事端

慈壽祺曰大軍之圍金積堡也馬化龍以無糧故屢遣其子至湘軍統領劉錦棠營門乞
降最後一次許其繳械投誠矣既許之而又殺之已失信於西戎至是復殺化龍之家屬
何殘忍一效此乎或曰為已故提督劉松山復仇宗棠亦出於萬不得已言之誠是也同
治十一年正月間湘軍進攻河州濫泥梁之敗提督傅先宗徐文秀相繼陣亡軍潰死
者不計其數時宗棠駐安定縣回酋馬占魁遺其子安良偕回日馬水瑞等十二人至安
定大營乞降宗棠不惟不殺且以占魁為統領彼傅徐二人之死不將呼冤於地下哉

金順等勦平王家驢逆賊

馬化龍稟請委員招降何生洲悍黨三百餘人又函通貴通
昌兩堡使早降獨王家驢賊據險抗拒竟日鏖戰金順張曜

怒攻破其堡層之通貴通昌兩堡懼赴黃鼎營就撫平毀其堡於是陝甘
之回勢孤不復振崔偉禹得彥馬生彥馬占魁馬及大等紛紛請撫矣

設化平川廳治安插撫回陳林等

時陳林馬振江赫選青馬化鳳閣與春余兆麟拜萬
江金明堂安傑等俱歸就撫共男女丁口一萬有奇

廣州原名廣州
避宗太憲改
名今華亭也

除挑選壯丁四百名交安傑慶明泰管帶隨
征外其餘俱解赴平涼撥歸化平川安插

案平定關隴紀略解赴化平川回民計陳林一起男女一千五百餘口馬振江一起男女
八百餘口赫選青一起三百八十餘口馬化鳳一起一千三百餘口閻興春余兆麟拜萬

江金明堂安傑等一起五千五百餘口除挑壯丁四百名交安傑慶明泰帶領隨營征勦
外餘俱解赴平涼實待安插之衆尙一萬有奇均發化平川安插其地水源有二一為化

平川一為聖女川合流匯白面河入清水縣界川中橫寬五六里長約三十里因奏請旨
添設北平川通判化平營部司彈壓而鎮治之改白面河為北面河聖女川為聖諭川並

令宣講聖諭以化頑俗飭千總牟春陽帶土兵二百四十名分紮關山三才鎮
各口而以總兵喻勝榮帶所部平江營扼紮化平川以終金積堡勦撫之局

又案地理志化平縣名金置在今化平廳西三里本宋安化縣地屬儀州西北至番界十
里尋改屬行渭州行渭州即今平涼府也金大定七年改為化平縣元并入華亭遺址尙

存平涼府志涇水有二源南支出空同中曰前峽北支出老山曰後峽自華亭大會坡西
北十里有泉百餘流為白巖川其西北曰聖女川曰化平川曰龍家峽川下流皆匯於空

同之前峽故化
平反稱為百泉

漢書曰古之徙遠方以實廣虛也相其陰陽之利售其水泉之味審其土地之宜視其
草木之饒然後營邑立城制里割宅通田作之道正阡陌之界先為築室家有堂二內門

戶之閉置器物焉民至有所居作有所用此民所以輕去故鄉而勸之新邑也左宗棠
括陝回於化平為之建城垣發牛種墾人聞之大譁至有左阿渾之稱曷取龜錯論募民

從塞下
而一讀之

左宗棠遣兵搜剿甯夏竄賊明七十子等俱伏誅

甯夏以兩山谷間伏莽猶多宗棠令中路各軍平慶涇各軍及旌善

馬隊與已撫良回嚴密偵探隨時擒剿未幾周紹濂所部李良穆派弁李昭林及回目馬益順王益萬李存昇等追剿逆黨生擒逆目王金玉旌善馬隊馬柏森生擒要逆譚生成之弟譚生邦並丁萬圖馬三寶解營訊決擒回陳聚安會同李得倉捕明七十子於張家川之瓦窰堡李良穆續獲李映春之黨楊太山導引官軍生擒李映春及其子李存英良回馬宗保捕獲逆回馬奇海馬俊馬拾娃子良回李存昇擊獲要逆偽順天王楊太娃子馬柏森捕獲逆賊馬義等十九名馬元帥等四名均解營訊決楊正茂護運赴省亦於景家口陣斬逆目袁和等百餘名於是著名竄逆剿除之餘所存無幾

合順張曜攻克納家關逆集甯夏甯朔平羅一律肅清

自去冬以來金積王家驢通貴通昌等堡雖破而河

西餘孽竄聚納家關負岫伺釁其地北可窺阿拉善東北可窺包歸中路若果前移亦可南窺鹽池勾合伏匿零匪為患滋深幸金順張曜圍攻納家關餘逆二三月之入得聚而殲之向有漏逸至此北路之功始竣定安金順疏報後奉上諭定安金順奏甯夏西岸三縣回匪勒辦完竣請將道員汪景度簡用定安奏西來回匪滋擾烏拉特旗界內金順奏請將管站各員獎勵各摺片覽奏均悉納家關賊巢業經攻克甯夏甯朔平羅一律肅清本日已明降諭旨將定安金順張曜交部從優議叙出力各員照請獎勵矣其投出回民

業經金順張曜分起發交地方官安置靈州逃來之回亦解交該州收管著左宗棠張曜
密為查察妥為鎮撫毋令再滋事端金順現應前赴烏里雅蘇臺將軍新任甯夏一帶如
尚有潛匿餘匪著張曜統率各營認真搜捕務絕根株陝回倘有老弱男婦五百十五口
應否解至平涼安插著左宗棠會商金順張曜妥籌辦理甯夏軍事現已完竣金順張曜
所部兵勇應如何分別撤留或包頭纏金一帶須索兵防勒之處著定安金順張曜細
心會商妥速籌辦阿拉善鄂爾多斯等旗並殺虎口等界管站各員接遞文報尚無貽誤
著定安查明擇尤
請獎毋許冒濫

案甯夏縣漢為富平廉靈武三縣地屬北地郡南北朝後魏置巖綠縣屬化政郡後周置
懷遠縣又置建安縣隋巖綠縣屬朔方郡又為懷遠靈武宏靜三縣地屬靈武郡唐改名

朔方縣屬夏州朔方郡懷遠靈武保靜屬靈武郡五季為懷遠縣保靜縣宋為懷遠鎮元
屬甯夏路明為甯夏衛甯朔縣漢為富平縣北朝同改置懷遠縣甯朔縣隋仍名懷遠甯

朔二縣屬朔方郡唐亦名懷遠縣甯朔縣屬夏州朔方郡元屬甯夏路明為甯夏右衛中
衛縣漢為朔方郡唐亦名懷遠縣甯朔縣屬夏州朔方郡元屬甯夏路明為甯夏右衛中

沙縣均屬靈武郡唐仍名鳴沙縣宋鳴沙縣入西夏元置應理州又為鳴沙州屬
甯夏路明廢州改建甯夏中衛平羅縣漢北地郡明洪武初置平羅所屬甯夏衛

案陝西通志元初瞻思丁以回回別庵爾之裔歸降太祖號賽典赤譯言貴族也歷官太
原平陽陝西四川雲南各省追封咸陽王其子納速拉丁追封延安王子孫衆多分為納

速拉丁四姓留居各省故甯夏有納家
戶長安縣有拉家村今臨夏喇氏最盛

署平慶涇道魏光燾捕獲逆回馬奇海馬義等歸東一律肅清

金積堡雖已肅清
肅夏府亦無賊蹤

惟自平涼以北甯夏以南計程千餘里山谷間伏匪尋回及金積堡鎮固未合以前出竄未歸之回左宗棠預飭中路各軍平慶涇各軍及旋善馬隊並已撫良回嚴密偵探隨時

擒勦未幾周紹濂所部左營李良穆派弁李昭林及回目馬益順王益萬李存昇等追剿逆回生擒逆目王金玉旋善馬隊馬柏林生擒要逆譚生成之弟譚生邦並丁真圖馬三

保三犯解營訊決撫回陳聚安探報野賊李映春僞先行明七十子匪張家川之五寨堡即飭陳聚安會同李得倉密速掩捕明七十子就縛伏誅李良穆續獲李映春之黨楊太

山導引官軍生擒李映春及其子李存英正法魏光燾又遣良回馬宗保捕獲逆回馬奇海馬俊馬捨娃子三犯良回李存昇擊解要逆楊太娃子係首逆穆生花黨中之僞順天

王曾帶其餘人者也馬柏林復報捕獲逆賊馬義等十九犯馬元帥王天發等四犯解營訊決楊正茂獲運赴省亦於景家口陣斬逆目袁和等百餘名於是警名竄逆均齒于墮

遠馬雙子馬才棕馬母驢閻希孟金添委等數名尙未捕獲

一等恪靖伯左宗棠奏請獎勵靈州甯夏肅清案內出力各員

宗棠會同督辦甘肅軍務肅夏將軍

穆圖善贊理軍務陝西巡撫蔣志章合詞馳奏并另片請開復陳湜原官原銜並奉旨

甘肅回逆馬化龍於同治八年秋間乘復叛盤踞靈州所屬金積堡勾結陝甘各回四

出竄擾經左宗棠派軍分投截剿並令道員劉錦棠等力擒逆渠並將附近賊

壘攻破四面鎖圍該逆勢窮乞撫劫奪平級堡寨呈繳軍械竄避延宕並在於堡內埋

藏洋槍洋礮一千餘件匿不繳出是其居心巨測怙惡不悛實屬罪無可道現經劉錦棠等將首逆馬化龍父子兄弟及逆黨譚生成等概行正法洵足上伸天討而下快人心現在堡寨一律平毀餘衆分別安插其起獲銀十九萬兩零除分賞各軍外著左宗棠將所餘銀兩爲遷居靈州之回衆購辦賑糧俾安生業仍督飭各軍將各股回匪次第進剿以期全省廓清陝甘總督一等恪靖伯左宗棠運籌決勝調度有方著加恩開復前降三級留任處分並賞加一等騎都尉世職甯夏將軍穆圖善陝西巡撫蔣志章協籌防勦均合機宜穆圖善著交部從優議敘蔣志章著交部議敘道員劉錦棠接統湘軍克平巨寇著加恩賞給騎都尉世職並賞穿黃馬褂其尤爲出力之道員黃鼎著賞穿黃馬褂提督雷正綰著開復革職留任處分並照一等軍功從優議敘金運昌著賞穿黃馬褂總兵徐文秀蓋開缺以提督缺題奏臣督王衍慶賞換葉普肯巴圖魯名號次至各營將領分別升擢其餘出力員弁准由左宗棠彙案保奏山西已革按察使陳廷著開復原官原銜以示鼓勵欽此其進攻楊明堡馬家灘陣亡各員另片請卹亦奉諭均如所請緣陝甘逆回既視馬化龍爲向背金積堡地勢雄阻糧餉充足又特異請集故湖皖兩軍竭力攻戰至一載有餘中路諸軍奪險協勦相持又復數月蓋馬化龍數世不軌之心與其死黨固結之念不至於殫盡援絕事極時窮必不肯甘心待斃也朝廷論功行賞一出至公

慕肅祺曰前清二百餘年漢大臣簡任陝甘總督者楊遇春沈兆霖二人而已及回匪亂國家破格用人初川楊岳斌繼任左宗棠舉西北政權軍儲而握於一人之手從此蕩平金積聞闢新疆非常之功炳耀史策矣初李鴻章平太平國即奉督辦陝甘軍務之命已率兵至湖北復南旋天若留此河湟萬里以待楚之有材者夫豈他人之所得而爭也耶

督帶平江營蕭賞謙擊賊於老河溝城分竄通渭秦安清水境

蕭賞謙率兵由靜甯向會甯一帶搜

勦至老河溝遇騎賊三百餘賞謙揮隊衝擊分駐康家堡華家堡哨隊繼至賊大敗由馬營東北分竄通渭後川舖坡兒川瓦防堡擾及秦安清水各縣界適楊世俊至石佛鎮

知秦州街子口有賊率馬隊馳勦並商會總理宗岳軍營務處提督張仲春裁賊必竄之路

二月提督張仲春勦賊於廖家莊陣斃賊目張運隆

仲春知賊竄廖家莊黎明率馬步馳往賊猶斬睡官軍

四面擊斃殆盡陣斬賊目張運隆

楊世俊追勦竄賊於任當川等處

世俊知另股賊分踞秦安縣北魏家店乃調馬隊北趨任當川扼賊東竄賊見官軍即向西遁世

俊追及於李家店賊弛備酣眠急掩擊之擒斬甚多餘賊狂奔追至馬家岔復痛勝之鮮有脫者

附錄總督左宗棠奏疏竊平涼府屬鹽茶廳因原州所轄東西兩山界連甯夏鞏昌慶陽涇州各府州地方千餘里巖壑複沓漢回雜處素為藏奸淵藪臣疊飭各軍窮搜週緝以護饒道而靖地方擒斬首要各匪疊經馳報而賊計愈滑往往寄孥於河州各賊巢勾結外匪每起數百騎或數十騎剽掠兩山間見官軍至則避匿無蹤兵退復出候東候西颺忽猝至與北方馬賊巢匪同而此間地廣人稀山谷盤互驅除尤為不易疊據甯平慶涇道魏光燾稟二月初三日所報副將魏紀黎勦馬驛子股匪於紅羊方一帶陣斬六

十餘名初五日追及王家堡沿途斬賊八十餘名初八日復搜斬十八名生獲九名遺新
 營副將蕭玉元後營副將趙連拔由峭河城連糧回防行過天中溝遇竄賊二十餘狂竄
 而西邊追及之擒斬略盡訊據賊供逆首馬豐子已帶重傷伏鞍竄匿矣記名提督周紹
 濂派隊攻羅山謝家段頭各賊巢斬馘數十生擒十餘名內有偽元帥袁希孟王添發兩
 名皆金積未破之先馬化龍遣其出外求援未及歸巢者袁希孟兇悍尤著曾為馬化龍
 守峽口以抗官軍者也東山北段以預望地勢最為險要向為回回馬添發所據馬添發
 伏誅後旌善營營官都司銜馬柏林收用其夥馬彥龍李萬海嗣因其不服調遣革逐之
 馬彥龍李萬海心懷觖望二月初七夜刺殺馬柏林併其黨以叛周紹濂魏光燾聞變率
 隊圍勦賊知大兵將至而毛一井元城子一帶紛竄魏光燾派總兵于奇漢副將蕭玉
 元追之遇賊下馬關斬賊七十餘名生擒五名副將魏紀整追至元城子地方斬步
 賊十餘名提督徐文秀自白瑞追至十六夜三鼓襲賊於梨花嘴山溝斬賊七八十名生
 擒二十餘名二十六日提督戴某由鎮原搜勦至陽家莊一帶斃賊六十餘名副將李瑞
 林吳起雲搜勦下馬關迤東一帶深山陣斬賊黨十數名生擒賊日楊金潮寨宗丁阿渾
 及陝回四十餘名而馬彥龍李萬海遂遠竄西山深處百草園中灘一帶踞險為巢與西
 山要逆馬豐子李百寬馬才宗潛相勾結李百寬者鹽茶驛屬賀家堡回酋與逆回馬忠
 海通馬忠海伏誅後李百寬與其弟李百申李文虎藏匿馬忠海餘黨李文虎楊保祿及
 馬化龍之戚屬田知貴懼官軍搜捕夥謀竄附河州賊巢三月二十九夜勾河州賊數百
 舉眷潛逃適周紹濂遣所部遊擊周署良率右營直抵鹽茶驛城得報會同署鹽茶驛同
 知范廷梁潛師夜往襲之四月初一日黎明直抵澗溝堡正值該逆蜂擁前來周署良突
 起奮擊賊駭而奔官軍分起追殺斃賊百餘名生擒李生雲馬五十二馬六個子拿回驟

大軍雲集關隴新平時代 清穆宗

蘭州城華印書館出版

馬百餘頭將李百寬眷屬截轉賀家堡訊據賊供李百寬同另股伏紅羊坊防官軍由前
 而截勦不虞後路官軍歸至也十二日熾光黨飭所部前營副將魏紀黎搜捕牙兒灣一
 帶匿匪適逆目馬彥龍由關門山竄至擊敗之賊折由鹽土溝一路東竄良回都司銜穆
 進善率旌善二起馬隊拒之少卻收駐南塞加賊仍東竄穆進善馳報魏紀黎出官馬套
 截勦行至黑溝口賊已由沙喜堡竄出魏紀黎突起奮擊敗之賊由柯家寨向崖窰南竄
 適提督左日升總兵于奇漢朱上林山黑城子出隊截之朱上林率馬隊衝入賊中斬先
 鋒悍賊十餘名而奪其馬步隊繼至賊敗折西竄是夜四鼓魏紀黎追賊至崖窰詢之堡
 民知有敗賊百餘騎在黃蒿灣急起掩之擒斬過半十四日黎明追至楊明堡賊隊十六
 日諜知河州賊匪另股馬步二一百竄踞條子溝李百寬復帶騎賊百餘徑赴賀家堡接
 取眷屬適大雨如注咫尺莫辨行徑魏紀黎揣條子溝之賊必李百寬邀約而來意在阻
 官軍截勦以便接取逆眷避雨窰洞燎衣作炊馬鞍盡卸矣見官軍驟至紛紛出窰列拒魏紀
 李百寬已奪取逆眷避雨窰洞燎衣作炊馬鞍盡卸矣見官軍驟至紛紛出窰列拒魏紀
 黎率親兵馬隊衝入立斃執李字旗悍賊兩名馬步各隊分途齊至都司強占魁馬隊哨
 長劉義縱橫潑挾斃賊逆多李百寬退入窰洞喉黨死拒勇丁何來福差弁張貴元張吉
 飛及馬隊軍功馬生德躍馬向前生擒李百寬比飭右後兩哨押犯赴堡子臺而餘賊已
 逆眷逸去魏紀黎率馬步隊迅追逸賊馳入十餘里沿途斃賊約百餘並將李百寬李
 文虎眷屬奪獲收隊回條子溝時已成刻矣忽聞堡子臺砲聲不絕料必有事魏紀黎仍
 率所部由條子溝截去見堡子臺來賊百餘與右後兩哨相持即躍馬衝入擒斬數十名
 騎賊四五十向種田溝敗竄詢之生賊蓋聞李百寬就擒相約來此劫犯也正擬追逐間
 適參將宋南山守備徐有禮由小溝收隊歸與此起竄賊遇奮威截殺誅滅殆盡又行數

早至劉家井見各窳中火光騰灼知敗賊悉踞此間遂派隊圍定溝口嘗隊衝入盡數殲之此四月十六日魏光燾所部副將魏紀峇勦辦逆回李百寬一起實在情形也同日據隆德縣連局員通判張飛報署隆德縣知縣周其俊約駐十里舖護連馬隊營總六日輕騎赴北路勦形勢總兵銜副將王有慶李松林隨身小隊同往行至距縣城四十里野雞嶺突遇大股騎賊千餘從山後突出衆寡莫敵王有慶李松林周其俊同日陣亡馬勇戰歿者數名臣於十七日午刻得信疑西山一帶向無千餘騎成股之賊其時未知李百寬業已就擒意其糾合馬彥龍等要逆及河州匪黨同來窺劫歸連也立調步隊三營馬隊三營由瓦亭踰六盤山向北追勦又飭親兵左後兩哨踰崆峒山繞化平川出龍江峽口而南出底店門屬岔抵隆德查得痛勦以盡根株二十六日得管帶副將旗馬隊副將尤成章飛報十七日由高堡臺搜山到新營據探馬馳報不知何路突來騎賊百餘步賊二百餘由硝河城南三十里巴豆溝假充官軍攻破良回王家堡肆掠逸去尤成章立即拔隊五鼓馳抵三岔口十人告知對面嶺畔窳洞微露火光即攻堡之賊住宿處也尤成章挑壯士傳口號夜斫賊館比踰溝登嶺賊猶未覺壯士徑指火光明明處大呼殺賊賊驚慌亂竄昏黑中斃於亂刃者約數十名奪獲牛馬驢二十餘匹黎明躡蹤追勦行五十餘里至雙樹地方賊見追軍無多列陣抗拒尤成章率游擊喻永勝千總孫成德下馬挺矛衝入賊陣手斬黃衣賊目一名而奪其馬斫斃手執方白旗賊目一名喻永勝肩受礮子傷一處胸脅受刃矛傷四處孫成德面受刀傷尤成章衣被槍子穿透數處猶奮威督隊力戰斃悍賊數十賊始大奔將士躡追猛速賊之濟墮澗墜自相蹂藉死者無數奪獲大小洋礮十餘桿馬牛驢共八十餘匹並奪回五起馬隊先鋒旗一暨生擒回逆數名斬首軍前訊據新裏回民馬福河及活賊口供所斬黃衣賊目爲馬才棕十六日

野雞叫狀王有慶李松林周其俊者即此賊也人馬約共三百有奇始知隆德所報賊騎千餘不足信臣前疑李百寬糾合馬彥龍等同劫連糧者亦非也二十四日靜甯防軍記名總兵吳隆海調賊擾州西北八十餘里王家溝急起擊之斬悍賊四名二十五日追至焦家河王家堡一帶擒斬二十餘名拔出隴西鎮被裹漢民十四名收隊回防所擊者即北起賊兇鋒已挫不能為隆靜北路之患矣竊維鹽固東西兩山首要各逆均已陸續擒斬臣於正月二十五日附片陳明並聲敘未獲逆目惟狗齒牙子靖遠聶子馬才棕馬母賊固希孟金添安等數犯續據該提督周紹濂報捕斬閻希孟金添安近復據報靖遠聶子帶傷後昇至乾鹽池身死馬母賊即沙母驢子已經提督楊世俊陣斬茲馬才棕復研尤成章陣斬除狗齒牙子聞已逃赴河州尙無並耗此外著名各逆均已伏誅而李百寬一股又已殲滅俟搜捕馬彥龍李萬海等竣事東西兩山周千餘里間伏莽盡除連道無虞梗滯矣

平慶涇道魏光燾飭所部於官道傍種樹

先是光燾率兵勦匪行經所屬各縣見鄉間穴處蜂房氣象荒涼無倚竹茂林之盛

詢及父老對以山高土冷不宜種樹光燾曰古者五畝之宅樹牆下以桑通衢之傍植楊柳以表道其所由來久矣今時值春融正當種樹之候凡爾士民擇其地所宜植木無論桑拓榆柳以及桃李棗杏實繁易成者於池畔河旁並道左地角悉行栽植或五尺一株或一丈一株不使地有空間較之田畝所種不納稅租不煩耕耨不憂水旱因地之力而坐收厚利所以佐五穀之不足供梁棟之用資蠶薪之需制器物蔭行路此天地間自然之利也如謂西北土冷種樹恐非所宜是則平日不讀書之故也前明成化中巡撫陝西

提督軍務馬文升按部至慶陽遂命同知薛祿擇地所宜樹如椿楸榆柳植道兩傍郵舍復遍植槐杏上地鑿池下地築井以資灌溉甫三年樹皆成陰行人忘暑夫慶陽地極西陲風土苦寒道路從古無樹木而文升廣植循程史策傳為美談平涼毗連陝境氣候和暖官道傍又有涇水以資灌溉勸父老及時栽種毋使有闕曠之地可也久之民無以應蓋平涼十萬戶人民慘經兵燹逃亡於外自左宗棠奉命西來人民始稍稍還鄉非當是時棲身無地鋤口無資焉有餘力種樹光陰廉知其情亦不強迫至是左宗棠嚴令以種樹為急務乃訪所部兵士

栽種官樹以為士民勸慕壽祺曰此大規模之種樹也自涇州官道起迄肅州嘉峪關東西幾三千里引得春風度玉門矣光緒初又培養三千餘年樹皆長成行人出入綠楊間盛矣哉方謂武王蔭樹不過如斯召伯甘棠何人敢伐夫平涼象罔如是乎忽遭世變天

賊竄階州大石山都司李宏珍擊敗之於黃鹿山管帶楚軍署階州知州洪

惟善截擊盡殲之另股賊由成縣竄階州之白馬關遂至人石山守卡都司李宏珍擊敗走黃鹿山知州洪惟善令王斌武周正秋繼賊後擊之賊潰

奔大水壩李廣金擊之賊折山瓦房川出竄彭德沅邀之賊復折南家壩副將鄧光耀痛剿之賊越山紆竄民團截之賊棄牲畜而逃追至小關嶺經胡彪迎擊餘賊之竄雷家壩

者已無幾矣

大軍與匪圍階平時代 清楊煥

階州後年印書館出版

陝西通志

八

案隋州山谷... 善訪有段世才... 也前此逆回... 備周正... 官軍併力... 張昭蒲煥... 集隊往捕... 訊據供稱... 積年之... 懸始除

左宗棠奏請禁止甘肅回民新教

自金積堡蕩平後宗棠訊取各供以此次甘肅回亂肇自新教請飭下各將軍督撫嚴禁回回新教

政府留
中不發

回回教創自河刺伯人穆罕默德生於西歷五百七十一年當中國陳宣帝

太建三年系出哥累斯美國林樂知中西關繫論隋開皇七年遣塞爾帝幹歌士資天經

三十册傳入中國由南海達廣州丁鵬天方聖教序廣州舊志云唐開海舶回教國

王穆罕默德遺其母舅蘇哈伯來中土貿易建光塔及懷聖寺

按蘇哈伯一作撒哈八譯音配

賢名幹歌士賽爾帝師稱也其來為傳教非為貿易或云幹歌士由新疆至長安後至廣州非南海來也

天寶元年命工部營工官羅

天爵建清真寺於西安府戶部員外郎兼侍御史王鉷撰碑主其教者擺都

而的也睿宗時大食將庫退拔踰葱嶺陷于闐以武力傳其教于天山南路

先時南路回紇奉佛及摩尼教至是改奉回教嗣因借援回紇回紇多移居

內地

水洋史

宣宗以後龐特勒移居甘沙西州號甘州回紇沙州回紇西州回

紇於是回教蔓延遍於內地中國人亦有信其教者然是為回教徒而非回

種人即回紇亦係回教徒而非回種人也武宗信道教嚴禁諸教流回紇於

諸道死者過半

東洋史

宋宣和中因入貢留陝西諸州貿易不歸廷議立法禁

止宋史元世祖至元十八年禁西北邊回越境為商

元史

然其教謂戰死者適樂

土得捨希德且人性勇悍能舍生衛教故回紇之信教猶是也至元二十八

年以甘肅曠土賜回回昔寶赤合散等俾耕之是真回種也其時又有畏吾

兒亦奉回教然如阿台薩理乞台薩理父子皆通佛氏學世祖命嘉魯克爾

達實從國師習其法後以輝和兒即畏吾兒字譯西天西番經文宗天曆二年畏

吾僧百八人作佛事于興德殿元史是畏吾人元時尙有信佛者今則悉奉回

教矣其教以識主爲宗旨以敬事爲功夫以歸根復命爲究竟大方典禮稱天曰

安羅昊每日拜天五次寅午申酉亥每七日一大齋拜牛婁鬼亢日每歲齋戒一月雞

鳴而食暮始閉齋竟日不食渴不飲教規惟拜天不事他神不立偶像亦不

信天主分身耶蘇替罪之說以君臣父子婦兄弟朋友爲人道五典以念真

宰禮五時齋一月散天課朝天方爲天道五功天道人道兼盡者爲教中完

人又云人祖曰阿丹

即耶教所謂亞當

距今七千餘歲後有大聖曰努海距今五千

餘歲曰易卜刺欣生當夏代曰母撒生當商代真宰降討刺特經曰達五德

生當周代真宰降則通爾經曰爾撒生當漢代即天主教所謂耶穌真宰降

引支勒經凡百十有四部爾撒卒不得其傳後六百年穆罕默德出真宰降

經六百六十六章名甫爾加尼

舊作阿蘭經或作古羅今稱古拉尼亦曰天經見回國考及天方典禮

回教遂稱穆

罕默德為至聖

幕焉禮曰世界各國爭執之至其禮樂則新教勝甘肅回民馬明心所創之

新教亦有理由老教出死方以爭之者為權利耳五大洲人類各別信教自

由豈能一一而禁之耶但問其人之正與邪不問其教之新與舊乾隆時兩

江督撫奏回教不宜留於中國高宗特別訓飭有以哉

金積吳忠營古
四縣屬州
實河以在黃河
以京今改置武

以蕭老開禧統湘軍分駐金積吳忠營以資鎮攝

是時劉錦棠已請假扶松山
機歸葬併全軍為十一營以

蕭章開禧之營一帶迭遭兵燹地曠人稀大難初平恐有不法之徒逃匿荒谷伺隙搶
掠新復地方難保自援飭蕭章開禧所部各營分紮金積堡一帶管帶老湘中軍四營記

名提督譚拔萃率所部駐紮靈州陝安道黃鼎分飭所部三營駐紮中衛大壩並撥副
將馮南斌帶所部正營駐山衛五百戶知州黃立倫帶所部定營駐四百戶以資鎮壓

案成豐初洪楊事起王珍

後武

統團自衛別號一軍麾下若樓邦傑劉松山

張運蘭與其弟運柱蕭陸高蕭章開禧皆兢兢奉指揮維護用有戰代為時名

將卽世所震驚之老湘營也王軍注重訓練日以揮拳擊石掘濠跳高為事

暇輒譚語論事無嘗聲與鼓行聲相雜而聞於外其教規大槪在廉恥仁

智堅忍耐苦兩足尉轉鐵瓦跳超者至五尺高故所部行走如飛蕭章開與

蕭陸高

後河

皆有功於西北

夏四月南路總統道員周開錫率戍軍

開錫督南路各軍勦除竄匪階州向有絡匪
據險為巢當逆回擾白馬關時即乘間出掠

至是開錫徽潛州知州洪... 德沅等... 勳盡平其... 開錫... 於軍

老湘軍與董宇三營攻馬家灘克之

馬家灘者在金嶺堡之西距城四十里地居河水之... 漢民... 兵... 回族... 而謀之

有田可耕衣食充裕官軍之... 乃... 渡... 往... 州... 留... 軍... 川... 軍... 辦... 善... 官... 於... 數月矣叛回安插於化平等處諸軍亦... 是蕭章開甯止籍議取馬... 過回衆人驚據二寨... 角勢與官軍... 三寨俱... 回... 衆... 培... 新... 死... 是... 夜... 也... 董... 宇... 一... 營... 之... 力... 居... 多... 老... 湘... 軍... 即... 以... 馬... 家... 灘... 叛... 庭... 予... 董... 福... 祥... 開... 犁... 後... 光... 緒... 二... 十... 七... 年... 董... 宇... 三... 營... 在... 回... 固... 原... 出... 率... 舊... 部... 屯... 田... 馬... 家... 灘... 即... 此... 地...

案火礮始於中國元末日耳曼人蘇爾的斯始仿爲之其後元駙馬帖木兒

威行西域歐羅巴人有投麾下者攜火器歸講求練習盡得其妙又變法爲

鳥槍明時佛狼機即法至粵東鳥槍遂傳入中國是火礮本由中而西也史

稱元以紅衣火礮攻金蔡州則蒙古亦先有大礮泰西精益求精愈奇

靈捷異常遂有克虜伯大礮及新式開花礮

西人火器之利
日新歲異而月
不同尤長於用
兵一令如山萬
足一步動者已
死後者繼進

西人火器雄猛似天下無可守之城矣然考普魯士攻把的加雷城登卡洛

斯攻比爾波亞城用克鹿卜大礮一曰克虜伯經年不下甚至西班牙攻登卡士

堡亦不能克同治中洪秀全據金陵安慶九江諸城官軍用洋礮攻之亦迄

無成功其後金陵之克仍用中國穴攻之法拔之惟時洋將戈登華爾輩皆

在軍中未嘗不歎我軍之驍武也從前失和彼嘗陷我甯波廣州天津等城

亦非關巨礮轟墮者

董福祥張俊李雙梁以所部分駐金積吳忠王洪等堡

先是大軍攻克金積堡左宗棠遷王洪堡回衆於靈

州城附近安插金積堡老弱婦女一萬二千餘口解赴固原州附城數十里地方分撥荒地安插其賊巢保生堡即金積堡為回首馬化龍倡亂之區土人稱為王城內有東府西

府一切違制器具什物宗棠於正月間概令銷毀惟金積距靈州六十餘里管轄諸多不便擬改金積堡為甯靈廳以資鎮懾所有城內房屋留為將來建置文武衙署兵房及死

事諸軍餉之用於是元惡殫滅無餘而罪不至死者亦無稍冤濫矣該逆陸續呈繳金銀銅錢三項共合銀十九萬兩有奇除分賞前敵馬步七十一營每營二千兩之數

一軍在事最久出力最多酌量加給外餘銀提為遷居靈州各回民購辦賑糧及水入堡修復渠工中衛採辦麥種之用至是又遷馬家灘回衆於張家園人心稱快邊患無虞惟湘皖各軍馬步七十二營陸續開往河州宗棠為防後患計令蓋字三營酌留所部以資鎮攝於是董福祥駐金積堡鴻臚府張俊駐吳忠堡李雙梁駐王洪堡金積堡至吳忠堡一十五里吳忠堡至王洪堡三十里壤地毗連雞犬之聲相聞也一有變故荷鋤之田夫皆為荷戈之甲士矣

案環縣新志董福祥字星五張俊字傑三李雙梁字柱臣皆環縣毛居士井人以行伍起家河治初陝回亂蔓延甘新等省居民無生路加以饑饉土匪所在蜂起乃倡集義團保衛鄉里羣舉福祥為團總俊與雙梁副之時賊圍環縣知縣瞿守讓聞其軍聲甚壯致書求援二人遂率部往力解城圍羣回憚之會劉松山左宗棠先後皮隨傲福祥等佐前敵綱其團之最精者號曰蓋字三營福祥領中營俊領左營雙梁領右營皆善戰攻克金積堡進剿西甯大小峽口卓子山諸要隘及克復肅州論功以福祥為第一游保提督俊保總兵雙梁保副將己身經百餘戰矣光緒元年隨左宗棠劉錦棠出關平新疆伊犁軍務轉戰於天山木里河古牧地等處十六年福祥擢喀什噶爾提督俊擢阿克蘇總兵雙梁由巴里坤總兵告終養回靈州大寨子者即王洪堡之別名也二十六年沒卒於武威全軍賈長差次證壯勤兩宮西狩福祥投隨屬大臣節制滿漢軍隊旋於西安行

在以疾乞賜金積堡雙梁早卒

嘉壽祺曰猛虎在深山百獸震恐或水所觸耳乙未海城之亂民國十七年河州之變金積堡為回酋馬化龍倡亂之區吳忠堡為湘軍劉松山被害之地王洪堡為昔年抗拒官

軍之處此三堡者回民居大多數不聞附和隨聲者以董字三營星羅寨布於其間不敢輕於發難耳先聲之奪人如此哉

實夏縣編立保甲

為稽查餘匪也時河東西雖已肅清而零匪各地皆有張昭統率各營認真搜捕河西三縣投誠之回交地方官編立保甲分別良莠其附逆

之徒經漢民控告正法者四百五十餘名而固原所屬東西兩界與慶陽涇州鄰其間伏莽匿藏不時竊發

署平慶涇道魏光燾遺密勦鹽茶固原回匪

時鹽茶固原所轄東西兩山界達慶陽實夏涇州各府州其間伏莽潛滋不時

竊發各將領嚴探密緝異地同心署平慶涇道魏光燾所部之魏紀整勦馬壘子一股於紅羊坊搜捕略盡馬壘子受傷而逸周紹濂派隊攻羅山謝家段頭賊巢擒斬其衆內有袁希孟王添發兩名袁希孟即閩希孟築堡峽口極力助抗官軍者也與王添發同為馬化龍腹心至此亦同時伏誅周紹濂嗣又會商魏光燾各飭所部合勦馬彥龍李萬海兩逆皆馬添發之黨也馬添發伏誅後詐稱求撫歸旌善馬隊馬柏森管轄乘間刺殺馬柏森脅其黨以叛兩軍勦之於下馬關白家塢楊家莊等處馬彥龍李萬海黨窺勢孤竄入西山深處與馬壘子李百寬馬才棕等勾合意圖竄附河州李百寬攜眷居先周紹濂所部右營游擊周曙良知之會同署鹽茶廳同知范廷樸乘夜截之賊無算生擒李生雲馬五十二馬六個子等逆訊據賊供李百寬伏紅羊坊以防前路不虞後路官軍驟至現已回窺賀家堡等語魏紀整得報往剿馳至張家原值李百寬攜眷避雨匿窺洞燎衣作炊見官軍至出窺列隊魏紀整率馬隊衝入立斃執李宇旗賊兩名馬步既齊強占魁劉進義率隊伍縱橫盪挾李百寬退入窺洞賊黨死拒勇丁何來福差弁張貴

元張吉飛馬生德等躍馬向前遂生擒李百寬衆軍四面搜殺並獲其眷屬多名同時復有另股之賊竄至隆德縣之野雞峴署知縣周其俊暨護連馬隊哨長王有慶李松林率兩丁親兵往擊忽人股繼至衆寡不敵三人同時遇害丁卒陷馬管馬隊副藍旗副將尤成章由高臺堡搜山到新營探馬報有騎賊百餘步賊二百餘由巴斗溝而來假稱官軍破良回王家堡逸去尤成章拔隊往追馳抵三岔口時已昏暮遙見對山窰洞中透露火光卽挑壯丁密傳口號以往比至賊始驚走斃於亂刀者不少黎明追至雙樹賊拚死回抗尤成章及營弁喻永勝孫成德各受重傷因念孤軍無繼奮威力戰賊乃大敗擒斬甚多據新裏民馬福海供陣斬之黃衣賊目爲馬才棕卽隆德縣戍官者也靜甯州防軍總兵吳隆海探勦於王家溝捷馬追至焦家河拔出難民十四名此皆金積堡出竄之逆無巢可歸伏匿山谷者也

回匪攻隆德縣屬野雞峴知縣周其俊死之

野雞峴在隆德東北鄉距城四十里與固原接壤時回匪馬添發餘黨馬彥龍

李萬海等求撫已撥歸旌善馬隊隊官馬伯森管轄而另股逆回千餘人復叛直撲野雞峴周其俊率城防勇二百餘名暨護連馬隊哨長王有慶李松林等截堵以衆寡不敵同時遇害防勇無一免者

嘉壽祺日甘肅地方遼闊賊匪不時出沒避兵而行左宗棠大營駐紮平涼而馬添發餘黨竄至六盤山外撲隆德所屬之野雞峴來去自如抵禦無人督師者若不根本繕除制其死命勢必乘虛再犯永無了期可畏哉

南路逸賊犯秦安北鄉碧玉鎮雷家店

陝賊襲皋蘭寬溝堡民勇擊卻之

五月左宗棠令提督傅先宗等會師進規河州

雷正箱周紹濂會勦米包山賊殄之

時駐秦州三陽川副將楊德俊亦勦平南川賊駐岷州副將張登桂勦賊於大坪賊奔百家莊提督

張仲春垂夜圍攻之斬擒殆盡另股賊匪由西和竄至復擊敗之南路稍清

前甯夏縣知縣彭慶彭伏法

先是同治二年十月靈州土回攻陷甯夏府城慶彰降賊賊營中多不識丁以慶彰例案熟悉薦之馬化龍化龍久

耳其名遂重用之初則溺身朱墨繼則連籌帷幄如是者有年及金積堡老巢肅清其鄉人某勦之逃慶彰曰張元吳昊投西夏宋廷不惟不罪其家屬且因此舉人覆試再無黜

名者中堂今之韓范當能大度包容吾何懼乎至是執而誅之

案平定關隴紀略金積堡克復後擊獲從逆武員一區王錫爵供係雲南蒙自縣回民山武進士花翎侍衛報捐都司分發甘肅隨征立功保升花翎游擊署花馬池營參將同治

元年甯夏鎮派令帶兵一千名赴陝防堵在陝城北關外偵探賊蹤即同所帶回兵投入陝回賊營七年到董志原其眷口由花馬池移至金積堡以其女嫁馬化龍之孫為妻董

志原破後遂歸金積堡一為繼秉忠供係回民由行伍出征歷保肅州都司銜守備前陝甘總督委護靈州營參將八年賊陷靈州該犯投賊攜眷移住金積堡一為袁世榮供係鳳翔縣回民由行伍出征歷保都司銜花翎守備署陝西碑坪營都司七年挈家投入金積堡三犯均從逆武職助逆抗拒官軍最為盡力尤屬覆載所難容併訊明確後一併凌遲處死以昭炯戒

慕壽祺曰同治四年八月二十一日回陷鞏昌府城游擊姜試萬失守汛地潛行逃遁事後托詞請兵獲免國法典史雷蚌春降賊復城後猶代理隴西縣知縣同年十二月靈臺縣失陷知縣祝賓賜死之外委李培滋緹城先遁救諭史繼升典史徐承清托詞出城辦歸同治六年十月止甯縣失守知縣黃紹薪逃如此類者不可勝舉惟彭慶彰之罪則死有餘辜或謂慶彰小有才思亦益或括之流也奚足取哉

追悼辛亥歲甯夏郡陷殉難官紳商民

甯夏在同治兵燹以前人煙輻湊商旅往來塞北江南為甘肅第一繁盛地自經兵劫化為邱墟周餘黎民靡有孑遺至是煙烽淨掃流亡漸歸張曜辦善後事宜實地調查前後殉難官紳商民人等約有二十萬之多乃開會追悼以慰忠魂李清和撰祭文其詞曰大劫之來數由彼蒼如火在右一觸則光唯茲夏郡古號朔方引河漑田豐年穰穰漢回雜處毗連蒙羌同治壬戌陝回跳梁白巾裹首亂我秦疆多忠勇公爰整戎行驅彼封豕剪

彼奔狼摧枯拉朽獸竄禽狂遺孽未盡擾及河湟馬化龍酋乃虎而冠負嵎金積逞彼兇殘孽逆來歸如蟻附羶河東堡寨為賊藪淵亦越河西費起揭竿通昌通貴納闡王曠四

郊多壘徧地烽煙擄我子婦殺我丁男哀此黔首情何以堪觀察侯公廉明勤幹鎮軍勅
 公驍勇善戰明公呂公扶危定亂率姻舊防教民剛練堅壁清野勛勞無倦廢寢忘食經
 營慘淡地闊兵單民疲賊悍乞援無路中途賊斷岌岌唯陽伊誰捍患癸亥孟冬二十四
 日北振武門地勢險僻內訌勾連外患潛至外則梯登內則扇煽如蜂之擁如蟻之聚城
 竟淪陷出其不意諸公聞變奮厲堵禦兵民羣起巷戰刺擊醜類傾巢棄窠不敢言被重
 創同時赴義數十萬人掃羅鋒鏑天降鞠凶曷其有極余等泣築來茲銀川詢諸遺黎言
 念慘然嗟爾覆巢安有完卵岌岌者氓尙未復元余懷悲惻心其憫旃狐兔類傷物我同
 歎仰維正氣充塞宇宙雷甘玉碎不顧瓦全蘭因芳烈膏以明煎成仁取義千古不刊湘
 陰相國總制秦中爰採忠蹟入告九重帝曰吁哉上感宸衷勅建專廟于彼宅忠義予世
 爵于彼酬庸春秋俎豆明德維馨以妥以侑罔怨罔恟聖朝曠典至渥至隆茲逢升四殉
 難之期唯爾忠魂能勿悽其有嗣之人祭祀以時無主之魂漂泊誰依乃集僧
 侶修建神宮誦經禮懺施食給衣敬備冥饌薄具冥資凡此無告來格當只

六月左宗棠與各將領議取河州

左宗棠以隴東隴南隴北已無賊蹤河州悍賊久稽
 天誅常此憂廷恐于廷詰乃開軍事會議先由主席

發言昔肅之亂胎于河州欲消亂源非勦除不可但回族大有人在吾聞有馬占蒼者足
 才多智因殿李不能望其肩背諸君有何奇策除此障礙而後出師或曰河州爲久叛之
 區而倡亂近十年逆回無位號戀鄉土一步不出雷池者由棍分而勢沮耳豈尙有所忌
 憚哉其衆素無紀律出則各私所掠苦樂不均居則各立教門互相猜忌頭目繁多向背
 紛歧雖有善者安能統率而齊一之况河州東鄉數百里地瘠田少自承平時其人已無
 產業專以離鄉竊盜爲生今又焚殺累年惡膽益張詎肯俯首下心翁然聽從馬占蒼一

人之命令乎伏羌舉人王權亦上書曰賊之初據河州漢民多隱忍從賊名曰隨教賊遇之尤虐此輩日夜跋盼大軍第草草書招之必爭先內應以疏懈無備之賊內外受攻焉能久支而洮州四十八旗番族與賊結仇素深王師將進牛檄士指揮楊元使率其衆搆賊西境此又腹背夾擊萬全之算也於是進兵之議定乃飭徐文秀一軍自安定西北稱鈞鞮以達站灘劉明燈一軍由安定東南韓家坪直至站灘河州回酋因殿率聞而生懼乃率馬占熬僞總統強之而後出事事惟命是從占熬乃布置一切藉以抗拒官軍慕壽祺曰河州賊之根株也西甯肅州其柯條也陝西客回及撒拉回其駢枝旁蔓也用兵累年官軍未嘗一履河州徒皇皇馬攀柯條牽旁蔓始兵荒殘之地無尺寸功河州逆回向是心輕我師弛然毫無恐懼今大軍掩其不備併力赴之以說擊懈以迅乘攝於兵法爲必捷雖百馬占熬復何懼乎

秋七月左宗棠遣軍靜甯州

時陝回白彥虎攻陷西甯小南川民堡據之崔偉竄曹家堡與禹生彥爲犄角青海大臣豫師函請宗棠濟師而河

州逆目馬占熬亦率撤回攻陷民莊成祿所撫肅州回復叛東下甘涼戒嚴乃奏撤回句結西河回匪請飭督臣派兵會剿詔左宗棠相機進剿未幾朝廷聞俄人佔據伊犁復欲窺烏魯木齊詔促成祿出關命左宗棠派勁旅往勦肅州宗棠復奏略云以隴中局勢言之自宜先規河湟杜其紛竄然後一意西指分兵先扼玉門關斷其去路乃策全功此時與師遠舉尙非穩著然當此強鄰覬覦狡馬思逞之時則固費未可拘執者頃奉諭旨已飛函穆圖善詢其能否派隊一面咨商劉銘傳酌定進兵道路一面飛飭記名提督徐占彪統所部馬步十二營由靖遠防所取道蘭州踰甘涼兩郡以抵肅州其餘占彪所遺靖遠防務甚關緊要已飭蜀軍統領黃鼎分數營交道員張玉文統帶移駐

左宗棠道經靜甯祭宋浩王吳公信王吳公武穆劉公之神位前曰嗚呼宋自徽欽至于高宗金源為虞爭戰自雄燕雲淪陷汴洛塵蒙舉族北轅渡江一龍蹙安駐蹕中原為戎維時浩王奮起隴右偕弟信王且戰且守實扼敵吭嚴軍蜀口金人善騎性堅耐久公以疊陣弱前強後仙人戰場地與不朽兇鋒屢挫乃舍而走武穆劉公赴官東京東京不守順是爭銳斧如牆拒馬如城殺人如麻慘不問聲八字之軍強虞所輕順昌旗幟一見而驚三公桓桓如哮虎韓岳東來整我旗鼓飲馬呼沱抵黃龍府胡丁孱弱不究厥武雄制一游以庇南土亦縣國祚其歷百五我去公世閱七百年猶執孔熾持節臨邊道出臨干父老攸傳城東公祠昔韓豆籩城北公里今仰遺阡昔在順治叛將控弦神縶覆城賊驚而旋乾隆中葉田五倍命巨礮城頭大聲莫震勿一童子擊鐵九進試以蟲賊煙開賊淨詫為神降理固可信神眷梓桑呵護宜競英風浩然得氣之正無弗之也况茲邵姓隴水濺濺隴山峨峨一忠式憑於彼卷可自我徂西鬢已皤皤以我懷忠知公靡他朝馳羽檄夜枕周戈神克相予惠我民和礮夷醜虜洗甲天河遂平西戎永奠岷嶓尙饗吳公者即吳玠吳璘劉公者即劉鋇皆甘肅人世所稱為三將軍者也

附三將軍軼事

吳浩國武安王玠德順軍

令靜甯縣

人與鎮戎軍人曲端

鎮原縣人

起兵涇原招流民

潰卒其賊所過人供糧秣道不拾遺猛士如林甲軍蔽野每戰必先占高原

必勝之地未嘗敗衄賊稍北退守河東不敢踰河飲馬

吳信國武順王璘武安王玠弟也金廢劉豫歸宋河南地幕府擬表稱賀璘讀之愀然曰在朝廷休兵息民誠天下慶璘等叨竊不能宣國威靈亦可愧矣何賀之有但當待罪稱謝則可幕府謝不及

劉武穆公錡秦州成紀今天水縣人自金人渡淮淮南之人惟視錡兵以爲安危

錡既得東關之險稍休士卒兵力復振虜據蘆州不敢舉兵逼江者懼錡乘

其後也江南由是稍安錡自順昌之捷金人畏之下令有敢言其姓名者罪

不赦金人稱爲劉四廂

有金使館宋都亭驛與其副飲酒其副不肯飲刺之曰酒中安得有劉四廂何不飲有使金者見其履卒怒置馬之不食草者亦云然蓋其威名素著於

南北如此

肅州回匪竄入安西州及敦煌縣

是月初二日肅州回匪出嘉峪關撲入安西州城經提督張玉春督率弁勇登時擊退其竄入敦煌之賊

經李天和等於秦安坊地方擊敗時回匪紛竄關外安敦玉等處同時吃緊雖經官軍暫時擊退難保不去而復來政府恐哈密後路漸致梗阻諭令成祿一軍毋庸出關先派得力數營在嘉峪關扼紮以防賊匪出

竄之路並令關外一營隨時截剿

案清史前督辦新疆軍務大臣烏魯木齊都統景廉於同治六年十二月募勇千餘名騎不滿百繞道金塔堡轉截出關勉士卒以忠義與共甘苦雖日行冰雪中僱仆相屬皆能

感奮直前七年正月甫抵玉門即派隊敗肅逆分股於黃花營又勦賊於安西州屬之二四道溝均勝利因念安西敦煌玉門三州縣為哈密後路衝要軍食所資久為肅回滋擾

疏請先固後路之防並籌輓運四月抵安西賊氛正熾廉隨機變設伏出奇大小十餘戰屢挫賊鋒而羅家莊三水梁上工新店子之捷其功尤偉十月移鎮敦煌建議築壁

清野完城浚濠擇要築空心墩臺以備守禦兼籌耕牧舉州民練勇團往來三州縣間躬自督察藉以輔官力之所不及諸事布置就緒八年八月抵哈密

左宗棠檄各將領會師而前觀取河州

西甯著名逆首馬尅三已於三月內自伏冥誅陝回崔三禹得彥白彥虎等近時兇狡頗

形消阻至涼州甘州肅州本無大股耐戰之賊惟未覩兵威故爾時形倔強不足慮也所慮者河州之悍匪耳時馬占鰲馬尅大有意求撫觀其于李百寬馬彥濤等投入河州時

拒不容留亦可概見此時而言招撫固可省兵力而速戎機然以地勢言之河州西甯即漢唐河湟故地爲歷代戰爭之場蘭州東西南三面均緊連河州河州賊氣不淨蘭州不能解嚴以賊勢言之河回嗜利輕生性善剽掠無事時卽常騎馬遠出鈔掠變亂十年未受懲創更無畏忌此等嗜亂之民非創鉅痛深固難望其永久恬戢也現在甯夏慶陽涇州鞏昌秦州階州各屬大致實已肅清賑撫耕墾安插寇徒兵屯民屯善後諸務實已具有端緒雖中衛鹽固一帶時有游匪出沒不常甘南徽南四禮等縣亦時有伏匿之匪伺劫連道然統計不過數起人馬多者數百少則數十而已倏隱倏現如蠶鼠等類殊費爬搔然固無能爲害左宗棠令黃鼎雷正相魏光燾左日升等各營自中衛至平涼扼要分駐其南路徽兩一帶加派邊營股華廷馬隊護運搜緝游匪一面慎選地方官會同各訪營嚴密掩捕以淨根株而重後路據各路稟報浮橋渡船已辦各營芻糧軍用粗備邊路修治已平宗棠乃檄各將領期會師而前進規河州記名提督涼州鎮總兵傅先宗率所部馬步由狄道進以其半渡洮而西修立壘以其半駐洮東岸爲中路記各提督楊世俊率所部馬步隊及提督張仲春宗岳馬步隊取道南關坪進岷城爲左路記名提督劉明燧由馬營監進紅土寨由紅土寨進定安縣掃除零匪以扼慶家崖之要記名提督徐文秀由靜甯州進會甯繼之爲右路俟中路渡洮之師修壘舉左右兩路乃渡洮繼進岷州及洮州隨地居河州西南山徑叢雜以五營分駐兩城調土司楊元帶番勇守隘口相變防勤統歸楊世俊調遣會甯西北安定東北均接靖遠地境當北竄之衝檄黃鼎分所部步隊八營督以副將桂錫慎馬隊三營歸記名提督徐占彪統領由中衛進靖遠南搜會甯安定游匪西顧蘭州

牛樹梅請用黑頭勇攻河州當道不納
甘省恐有不共相宜者飲食不宜冷凍不宜

牛樹梅請用黑頭勇攻河州當道不納

自軍興以來天下劇寇皆南勇所掃蕩惟在甘省恐有不共相宜者飲食不宜冷凍不宜

跋山越嶺勞苦不宜現金積堡既平移師河州水土尤惡想兵勇之不願去者必多以不願去之心何以鼓其銳氣耶若參用本地之人如所云黑頭勇者其利有六飽粗糲冒霜

雪越崖澗無所不耐與南勇正相反一也有父母兄弟妻子之仇有田園廬墓之戀二也照南勇給半餉即皆欣欣鼓舞而樂為用三也彼皆無歸之民收而為勇即不至散而為

賊四也而且七八年來久征慣戰狄河一帶著有成效不煩招募不費操練五也河州地勢險惡有大東鄉者尤所憑為窟巢此輩上年皆河州之人一邱一壑悉所素習設法用

奇不致有意外之虞六也嘗謂其斷宜參用有時直可專用者此也惟芻蕘所見每多偏蔽不知尚有可採否臬司林之望轉呈總督左宗棠不納

案牛樹梅字雪維通渭人父作麟有善人名家貧夜然香照讚道光辛卯舉於鄉辛丑成進士設分四川以知縣即用初署彰明縣勸聽斷少科派實行平糶俞陶泉先生六字真

言已油江匪徒聚眾中場場距彰明太平場只隔一橋樹梅聞變率團往勦至則賊已去鄉民告曰賊臨去時謂牛清天吾父母凡彰明一草一木絕不敢踐遂紆道緣山而行事

為督師琦善所聞奏署資州補茂州樓甯遠府同治初給事高延祐川督駱秉章以悃編無華廉靜不擾保奏簡任四川按使後主錫江書院講聞甘亂且十年嘗謂人曰甘賊居

一范銘河州賊不足平矣至是請用黑頭勇意在起用范銘也左宗棠不聽致有太子寺之敗亂平旋里年八十四卒著有省齋全集聞善錄滑葉文存行世

幕壽祺曰古有同名錄蓋名同而氏亦同矣以甘肅言嘉州有西李益人

唐詩

唐有兩李益清
有兩馬麟可為
臨上佳話

河州有兩馬麟

皆清真教

同縣同時姓名何其巧也而號亦有同焉者武威

兩江總督通渭牛樹梅

四川按察使

其說皆以雪樵稱而牛鑑不甚著以附和者善故通

渭牛雪樵之家居也社會得師儒之觀感雖庸夫俗子亦有尊師慕道之心

編者少年旋井里猶見鄉先生之為人模範也今則亡矣

八月左宗棠進軍安定

宗棠由靜甯州進抵安定高平地勢進規河州乃飭徐文秀一軍由安定西北稱鈞驛以達站灘劉明燈一軍由安定東南韓

家韓直全站灘會徐文秀軍進攻康家崖文秀率兵途遇竄賊斬逆目一殺賊六十餘總兵陳汝俊副將陳緝高搜勦花峴子伏賊斬百三十餘級俘賊百十餘誅之

案安定今改定西縣在前代為雍州西陲今縣界四至東至會甯縣界一百里南至隴西

總界一百里西至臨洮縣界一自屯北至榆中縣界一百二十里東南至通渭縣界一百

六十里西北至皋蘭縣界二百四十里西南至渭源縣二百里東北至會甯縣迭烈遜城

六百里在輿圖係中蓋四通八達區也東北至北平三千六百一十里東南至南京三千

七百四十里南路至四川省城一千四百里東路至陝西省城一千二百里東北至固原

縣七百里又一路至靖遠縣二百八十里北路至蘭州過河至張掖縣一千五百里又五

百里至酒泉縣七十里出嘉峪關則通走新疆大道

光緒二十一年
河溫匪亂已於
此提出書閱文
多矣震見此旋
風筆

饑餓之民以臨強盛之寇譬如以羊喂虎其勢本不能相當久之閱歷深寇亦畏之此三人者皆為左文襄所川而剛八最坎軻直至光緒乙未隨董福祥征河州以功簡南陽鎮總兵賞穿黃馬褂於是張銘新之名最著而不知即黃鼎收編之剛八也豈顯晦有時歟其他流落沈沒與剛八同時而不得載筆以紀者又不知幾何人矣

左宗棠派兵駐華家嶺

一作華兒嶺

保護運糧道路

安定縣正南六十里即紅土窰阻山帶河四塞為固再南則入通渭縣界

有梁一道曰華家嶺中經會甯縣東南境路過鞏昌府山會甯東行至靜甯州邽家大山路通平涼府地甚平坦可行車約二百里四無人烟蓋不毛之地也宗棠閱輿圖至此謂部將曰安定之險在紅土窰而華家嶺尤為險要我軍進攻河州須防河回之來襲馬占龍善用兵四眼狗之流也此地倘為賊占以高臨下我軍如在釜底矣迺派得力將官駐華家嶺保護隴東南樞道並飭紅土窰紳耆練團自衛

幕壽祺曰自來軍隊駐防喜居繁盛之區以給養便利故也華家嶺地高而

寒自老湘軍駐防後民國二十年始有人開旅館西蘭公路

由陝西至蘭州
從平涼縣經過

秦公路

由蘭州至天水
中經故鞏昌府

汽車均取道華家嶺猶京漢與正太鐵路須經過山西

之石家莊也惟地太遼闊伏莽時出沒於其間公車商車時被搶掠往往數

月不見人影政府宜派兵駐防則猛虎在深山百獸震恐行旅皆願出於其

途矣

九月賊擾康家崖沙泥站柳林溝口總兵楊芳桂等戰歿左宗棠令前福建布

政司王德榜等率軍搜剿

賊黃水搶渡攻奪礮臺弁勇陣亡六十餘名賊又乘皮筏
徑渡擾康家崖沙泥站等處又分股由柳林溝口偷渡總

兵黃雲藻等堵擊賊敗退副將陸金城陣亡適總兵楊芳桂參將楊其昌由蘭州還營遇
賊俱戰歿宗棠聞警即令王德榜朱明亮率大營親兵千名令提督陳廣發副將凌春臺

提督陶生林率馬步由沙灘過浮橋趨入羊溝並調楊世俊所部宗岳軍助剿令傅先宗
率所部攻黑山頭以牽賊勢令劉明燈架橋柳林溝口徐文秀架橋康家崖於是王德榜

率數十騎由沙灘先行至楓樹灣賊自叢薄間衝出刺傷騎兵數人德榜發槍連斃二賊
正相持間大軍已至賊始駭遁旋派隊窮搜擒斬三十餘訊供乃甯河回竄聞頭目馬格

力布檻送安定
伏此圖劫也

冬十月王德榜進扼石鼓墩遂克邊家灣賊壘

王德榜朱明亮由狄道過浮橋楊世俊調宗岳軍親率馬隊同進審察地

勢見黑山頭賊憑高俯瞰官軍仰攻非便惟石鼓墩與黑山頭共一山梁立壘於此庶可左掃黑山頭右掃邊家灣於是潛師夜起德榜世俊率宗岳營總兵高登玉親兵營總兵

鄧榮作副將余起立各率所部上石鼓墩槍立兩壘適值昏霧四塞賊不辨官軍多寡未敢輕犯比壘成務散賊以大股來撲官軍憑壘轟擊賊立敗退黎明復分股圍攻石鼓墩

另股踞山腰徐文秀等隔岸遙見官軍已至石鼓墩急架橋搶渡山腰之賊飛赴邊家灣助守德榜揮險截之圍攻石鼓墩之賊見勢不支亦撤圍來援官軍分途縱擊勇氣百倍

明亮怒馬衝鋒手刃三賊陶生林繼之高登玉鄧榮余起立從鼓墩壓下合攻邊家灣賊壘破之徐文秀劉明燈應所部搶過西岸立成三壘出隊助剿斃賊無算

官軍攻克鄧家灣賊壘遂復三甲集附近各村堡

王德榜率親兵八哨及陳廣發春臺陶生林等營會同徐文秀圍

攻鄧家灣賊壘三甲集賊見鄧家灣被圍急嗾悍黨萬餘由山梁紛馳來援官軍分禦兩賊一面緊攻壘賊懸戰兩時賊屍山積立將鄧家灣賊壘攻克援賊敗潰馬隊沿岸掃蕩

步隊登山躡追愈奮遂將三甲集附近各村堡一律克復陣斬逆目謝頭號王海發等

傳先宗督軍勦黑山頭賊壘平之

先宗率所部由石鼓墩將攻黑山頭各壘偵賊結壘綿互二十餘座又與新路坡紅馬家賊壘相連

既需仰攻猶防牽制因飭王得勝設伏蓮花山腰扼新路坡等處援賊飭何建威率所部
攻黑山梁為中路彭忠國率所部繞八羊溝出黑山之南攻其前敖天印張得勝率所部
出黑山北襲其後自率所部援應中前兩路其石鼓墩赴黑山頭之路為賊劇創峻險難
登又守以堅壘惟飭石鼓墩兩營作進攻之勢以綴賊部署既定銜枚各進四更時中前
兩路皆抵賊壘槍敵奮擊賊憑壘死拒逾兩時許何建威拔幟先登破第一卡賊墜濠鼠
竄彭忠國朱廣運督隊猛進繼破左右兩卡各壘賊於天明時悉銳來援傅先宗揮隊衝
突正酣戰間敖天印已攀藤附葛從山後壓下賊大驚先宗突入賊陣手刃悍逆數名賊
攙亂不及入卡四散奔潰立將黑山頭延袤數十里賊壘蕩平陣斬五百餘名其新路破
之賊聞黑山頭賊聲由蓮花山擁至王得勝
伺其逼近由山腰截出擊之賊敗奔回巢

官軍進營三甲集南山攻平遙西村堡

傅先宗既克黑山頭賊壘遂留彭忠國兩營
並建字兩營分紮黑山要隘自率所部隸黑

山後嶺搶上三甲南山嶺立營俯瞰黑山敗賊屯八甲口兩旁依山為固以阻大東鄉之
路乃飭親兵中右兩營下山還紮川中藥八甲口之賊調馬隊向王家坪一帶沿河搜劫
各村賊出馬步四千餘結陣負隅提督丁桂智總兵王銘忠分兩路包鈔賊亦分隊接戰
適敖天印由山壓下賊腹背受敵奪路狂奔官軍立將三甲集迤西堡寨掃蕩無遺王
傍於破賊後紮黑山迤南三甲集之前傅先宗因紮三甲集後以相犄角時徐文秀劉明
燈將康家崖浮橋造成明燈駐守之文秀進駐趙家地以聯聲勢而楊世俊亦率所部
克油油溝等處賊壘三
座擒斬賊逆數百名

各軍會勦三甲集巨巢克之逆酋馬占鼉敗奔八甲口

各軍會攻三甲集乃令王得榜朱明亮出其前宗岳

軍總之楊世俊率馬隊沿河而進楊正茂繼之徐文秀尤辰章橫掃而前沈玉遂督果軍繼之傅先宗據山俯擊賊邊援賊劉明燈沿河截勦賊軍以次進攻逆首馬占鼉喉黨登堡拒守槍礮如雨繼以木石各軍冒險擡升前墜後繼自非至天官軍畢登馬占鼉難敗賊中奪門向八甲口而遁各軍又分攻康家陽窪大小堡卡十餘所悉克之共殺賊二千餘生擒百七十四獲軍械糧食無算官軍傷亡亦衆於是令徐文秀移駐河州三甲集餘軍分扼要隘以規太子寺及大東鄉賊巢

南路餘賊出掠秦慶固原等境副將王楚仁等戰歿

秦州白楊山後等赴前敵後匿賊復出擾掠數華廷因連考勦

賊黃渚關副將張養吾困賊於白馬寺乃進兵會勦大破賊於鹽山馬彥龍之黨亦乘間出掠雷正箱遣軍擊於毛居士井賊敗竄環縣二十里清副將王楚仁擊賊追至紅德城聞賊聚火焰山徑襲之大捷復乘勢追殺忽斃于中楚仁頭殞於陣參將楊振家余植欄亦戰歿提督甘大有聞警往援賊竄打拉池雷正箱遣軍搜勦賊向好麥川而去

詔總兵徐占彪赴肅州勦匪

陝回白彥虎余得彥率衆竄入撫彝

彥虎等率衆二千餘人擾撫彝河南河北各堡寨提督成祿遣兵追之

詔提督曹克忠接統劉銘傳所部淮軍拔赴肅州

時景廉進規烏魯木齊因哈密僅有馬步隊三營將後路駐防三營

毛居士井在今
雲南地極極寒
俗或為毛里井

政府採納輿論
起用曹克忠

解釋新疆地名
非通變文釋語
不能知其所以
然

調赴哈密由巴里坤向西進發其安西敦煌兩處即由文麟分兵駐紮以資防守安敦玉
等處為巴哈東路聲援現在屢被肅回竄擾茲又將駐防三營拔赴前敵文麟亦未必有
兵可撥後路益形空虛是月壬甲日上諭軍機大臣曰本日已諭令成祿即日帶兵出關
以資厚集第念肅州一帶必須有兵填紮方足截回氛之西竄壯關外之聲威著左宗棠
慎選幹才諭旨懾催徐占彪一軍迅赴肅州將該處賊股力籌勦辦毋任分竄烏魯木齊
為逆回老巢醜類甚眾阜康亦為賊踞勢成犄角景廉所部僅三千人益以成祿一軍兵
仍形單薄必須另添勁旅扼紮關外庶可聯絡聲勢前經諭令曹克忠接統劉銘傳所部
淮軍拔赴肅州將來此軍抵肅若令徐占彪率隊出關分紮安敦玉等處足為景廉等後
勁並著左宗棠斟酌情形豫為籌畫毋誤事機

案烏魯木齊即今新疆省城係蒙古古語譯言好大圍場也他如阿克蘇本係纏回話譯阿
克者白也蘇者水也合言之即白水河也前庫爾喀喇烏蘇本係蒙古古語庫爾橋也喀
喇黑也烏大也蘇水也蒙古纏回均以水為蘇合言之即黑大水河上有橋之謂也阿爾
泰本係蒙古古語即金子因該處山中多金也呼圖壁縣本係蒙古古語譯言其地有鬼也
壁本係蒙古古語譯言沙漠也大抵新疆北路地名多係
蒙古名詞南路地名多係纏回名詞間有蒙古名詞

南路各軍分攻甘坪大貝坪張家坪張家灣各堡克之

南路各軍直搗人更難值
河冰凍結隨處可渡逆回

出沒無常左宗棠函商穆圖善率所部三營駐柳林溝邀賊勇竄於是令王德榜李明亮
率所部攻甘坪之西劉明燈攻其北楊世俊張仲春由八甲口攻其南徐文秀圍攻大貝

坪以牽賊勢傅先宗列隊川口以備太子寺七甲集援賊甘坪守賊馬步萬餘出據山梁
王德榜揮軍仰攻朱明亮鄧榮佳各軍猛進破其四壘劉明燈從堡後繞入徑抵甘坪楊
世俊進兵八甲口適大果鄉賊來援磨軍迎勦仍令張仲春分攻山南各卡周乾山等填
濠而進立破二壘楊世俊擊退援賊三路兜勦悉平甘坪餘壘傅先宗聞報即會徐文秀
圍攻大貝坪以南堡寨賊知甘坪不可守遂棄壘逃官軍擁人而大貝坪張家坪張家灣
各堡一律勦平賊以屢敗之故乃賄請西甯循化十二王撒拉各回山董家山謝家坪一
帶築壘謀拒官軍先遣老回至各營乞撫並獻良馬二十餘匹各營知為緩兵計傅先宗
率軍輪溝搜勦王得勝圍攻紅莊彭忠國分攻各壘官軍獲人捷劉明燈勦賊至自家嘴以
其為大車鄉出入
要路留營據之

十一月傅先宗等攻克董家山城壘陣斬太子寺賊目馬肥人生擒馬滿滿布

等 先是王德榜張仲春率四營進駐李家莊莊德榜復進上七甲集大車鄉援賊
紛至官軍夾擊賊敗遁傅先宗徐文秀兩軍循八甲口攻紅莊各賊巢德榜楊世俊
攻謝家坪分道疾進破堡壘五十餘處朱明亮助攻董家山參將廖福景奮勇先登中賊
陣亡將弁憤甚一擁而進殺賊千餘然地險賊衆逆壘毗連未能即克至是劉明燈列陣
川中先宗世俊文秀三路並進賊據牛山力拒官軍前隊鏖戰後隊隨陣築營更番疊進
自辰至午世俊於朱家山成三營文秀於董家山腰成五營前隊且戰且進賊敗走官軍
躡蹤猛追連奪陳家山楊家山等處各卡殺賊數百復掛隊窮追賊不及入壘壘中賊亦
相率潰遁遂奪取董家山大小賊壘文秀分兵據各大壘太子寺騎賊來援明燈擊卻之

緣邊各縣至今
尚有燒荒之舉
習成自然矣

五城其勢二十
與秦相抗而卒
人與秦所滅無

步賊仍列隊繼進陳廣發怒馬斫陣手刃渠魁賊始大潰縱軍追擊殺
賊千餘陣斬偽總帥馬肥人等生擒馬油綠布等各數十名訊明正法

安定大營出示禁燒荒

安定早寒草枯木凋村農縱火山谷皆紅左宗棠見之問縣知
事以燒荒對宗棠曰前代驕虜犯邊中國將士出塞縱火不得

已而為之如唐劉仁恭歲燠塞下草使犯邊夷狄不得留牧馬多死今幸承平安用此况
冬令嚴寒蟲類蟄伏任意焚燒生機盡矣是豈仁人君子之所宜為遂出示嚴禁並通令

隴東南營
甯夏所屬

案戰國策公孫衍謂義渠君

干慶涇因舊
為義渠戎地

曰中國無事於秦則秦且燬炳獲

君之國

義渠後為秦所滅
得義渠二十五城

明英宗正統七年冬十一月錦衣衛僉事王瑛乞

敕邊將遇秋深約日同出數百里外縱火焚燒使兩馬無水草可恃如此則

在事雖有一時之勞而一冬坐臥可安矣

英宗
實錄

甘青甯三省與虜鄰防其犯

邊舊有燒山之舉

陝回竄徽縣提督蘇家良大破之於泥陽鎮其子捨爾把陣亡

蘇家良方駐師秦
州聞微縣告警一

夜直抵徽縣境賊已退踞泥陽鎮進擊破之殺賊千餘其子捨爾把追至下店草灘深入遇害

案漢泥陽縣屬北地以在泥水北得名今慶陽府甯州東南五十里之泥陽城是後魏置泥陽縣於粟亭水北西魏廢為鎮今徽縣西北七十里之泥陽鎮是漢初縣而破雍將蘇

蜀將王宗翰與李茂貞將郭守謙戰於泥陽蜀兵敗乃徵縣之泥陽也梁貞明初

征勦賊以功洊至提督與傅先宗並稱同治五年八月家良駐軍通渭聞鞏昌陷與先宗

至近鞏昌二十餘里之境遠望賊勢洶湧兵勇皆毛髮漸濕面相視有懼色蘇公毅然請

先行遂以親隨數百人直抵城下傳公督大隊亦至賊出不意遂克之至是破賊於泥陽

隴南逆氛靖矣

十二月傅先宗進攻新路坡五卡克之時楊世俊進紮四厚子徐文秀派營

賊酋馬占鼉糾黨據太子寺楊世俊等奪踞長濠

官軍連日進勦屢獲大捷馬占鼉先遁牟尼溝老巢聞官軍日

逼復糾八方悍黨營寨太子寺環掘長濠據卡林立北與石納奴潘家大紅等回堡犄角

謀久抗楊世俊徐文秀各率所部進勦戰逾四時奪其長濠並山頭壘世俊即移一營據

官軍攻克大紅莊等賊壘

官軍攻太子寺北大紅莊等賊堡援賊至敗之傅先宗列隊南山頂直攻賊巢楊世俊徐又秀由東進攻悍賊萬餘迎

賊官軍整隊擊之賊死傷無數一紅衣賊持刀斷後羣賊反攻如初世俊慮官軍或卻令壯士衝入賊陣斬紅衣賊羣賊大敗官軍兩路追勦屍橫遍地墜崖落水者約千餘官軍

陣亡三百餘名

逆回攻古浪縣城定涼營統帶記名總兵張正照擊却之

先是本月初四五兩日定涼營探報距縣城三十

十里內四山堡等處客胡回逆竄擾忽是日辰刻有賊騎二千餘自水溝墩隘口蜂擁而來直撲縣城張統帶止照率副將馬步陞世總謝天義及滿營佐領存祥等出城擊賊張統帶身先士卒衝鋒陷陣西城樓有知縣黃河帶督同民團放大礮助戰逆賊不支仍由來路奔竄城賴以全

壬子十一年春正月候補按察使陳澍督諸軍進攻太子寺

先是左宗棠調譚拔萃張福齊徐萬福等率兵

分防安定陳澍往河州大東鄉太子寺督諸軍進勦惟太子寺為河州要隘馬占龍拒守以抗官軍自上年十二月楊世俊攻奪外濠賊增掘二道防守愈嚴並勾循化八工撒拉米拉溝碾伯各回死拒南由瓦房山至塢馬池北由大兒混堡隔河下折抵黑山之尾築壘七十餘座以斷官軍狄道連路而也阿渾悍黨又乘夜在黨川鋪北築二壘橫亘甘南建字兩營之間楊世俊傅先宗抽隊合擊游擊石補天拔整先登官軍繼之立拔兩壘先宗令總兵李占春分兵填紮會賊犯石梁坡世俊率軍回援忽悍賊緣澗突出徑撲旗紮

平吁是烏足
與論先生錢

附紀宣統二年志士白竹君尸諫事

白竹君名永麟字慶儕內務府旗人官頤和園八品苑副賞加司輻銜生前不慕榮利公餘以書畫自娛獨熱心公益見義勇為海澱創辦小學堂同報社以竹君之力為最多夙昔崇拜柳堂後以關心時局手繕稟疏擬上監國攝政王並囑愛國報館主筆登報遂絕粒死其忠愛憂鬱之忱備具於疏內遠近見者莫不隕淚昆仲四人竹君最幼卒年五十歲原配尚在女一猶子一生時善畫蘭未歿之前自書將作一大快事便當與戚友長辭不期疏稿早脫竟於庚戌六月十六日死所留自輓一聯云五十年華仍故我一生心事為斯民吁其志良邁與柳堂侍御同亦足傷矣

賊攻石梁坡及薛家坪營壘

賊大隊攻石梁坡及薛家坪軍營拔柵填濠抵死不退張仲存率兵來援為另股賊所截楊世俊督隊猛進身受兩

傷裹創血戰賊始潰奔各軍乘之賊滾巖落崖死者甚眾總兵張得志游擊陳有祥董金城都司洪明泰守備韓鳳鳴主簿楊興藻均戰歿次日賊由四山鈔至楊世俊傅先宗分路迎戰賊敗走都司王照益把總陳麟陣亡時各營乏食陳湜令提督徐文秀劉明燈各率所部裹糧赴援徐文秀等攻新路坡克其一壘傅先宗等亦剿平黨川鋪賊壘

大軍進攻新路坡賊壘記名提省涼州鎮總兵傅先宗陣亡

賊乘夜於新路坡東據賊前右兩營之

間竊築三壘更據濫泥溝四莊一壘為犄角勢糧道復梗先宗率軍圍攻三壘不克於是三路進攻王得勝彭忠國向左楊世俊向右先宗當其前賊使善槍者伏穴專擊先宗而以悍賊迎戰官軍踴躍爭先賊盡卻遂分撲一壘拔木柵先宗手執大旗先進突為飛礮所中由右額貫顛立仆賊見大旗忽折從後蜂擁而至世俊督隊血戰士卒先宗回營氣已絕

慕壽祺曰河州為甘亂之源馬占釐復善用兵往往以少許勝人多許官軍恐其不能遠勝也數年之間因循容忍坐受其欺而不與之戰益以攻守之勢主客之形彼逸而我勞不熟籌乎所以制勝之謀冒然而負其勇敢之氣後且潰敗決裂而愈不可救如傅先宗者非孔子所謂暴虎馮河死而無悔者哉

西甯回酋馬桂元至安定謁左宗棠

署西甯府知府馬桂元至左宗棠行轅面呈轉據西甯各縣縣回曰馬永福等呈稱西甯回衆

因封齋起費兵燹十年其間良莠不一現在認真改過乞賜撫綏請委大員中甯台辦等情並准青海辦事大臣豫師咨同前因爰預定受撫款目觀其能否遵行旋准豫師咨覆款目內已量增數條俟馬桂元由省回甯時會列三銜出示令其帶回西甯曉諭並委員辦理往復咨商已定又據馬桂元詳轉據大通縣回曰稟請委員驗收馬匹器械情詞迫切與府屬公廩悉同因委前辦化平川撫務道員馮邦稔前往察看辦理一面催調譚拔萃張福齊徐萬福等各營布防要隘慕壽祺曰立國之道盡其在我者而已我能自強何必畏夷之素強我能自信何必誘人以不信馬桂元奉旨署西甯府兼攝道篆維持地方彼固深信國家之不我欺矣此次由

西甯至安定以知府名義候謁左宗棠應以誠信相感否則勒令辭職可也乃當面轉心
背面用兵致有西甯小峽口之血戰蓋純為湘軍功名富貴計也而國家威信掃地無遺
矣

二月徐文秀攻克濫泥溝四莊一壘

陳湜令徐文秀赴援攻克濫泥溝賊壘楊世俊
以傳軍無主令退駐黨川鋪而石梁坡勢孤連

道益梗

三月辦理金積堡善後

白金積濫平拔出被裹陝西漢回難民以數萬計除籍隸陝西
回民解赴化平川大岔溝一帶擇地方安插外其籍隸甘肅及

甯夏土著漢回人民經總督左宗棠飭甯夏道陶斯詒署甯夏府知府李藻代理靈州知
州王翔在甯靈一帶分別擇地安插均已一律依發賑糧撥給地畝牛隻籽種令其及時
耕墾並編甯戶口散給門牌回民并發給良民門牌百家長十家長各牌以便稽查
又於金積堡設立善後局委候選知縣沈甲湘查其事隨時與地方官妥商辦理

賊犯黨川鋪傳軍潰遁提督徐文秀等陣亡

文秀至黨川鋪見太子寺各營自傳先
宗陣亡後相率俱退恐大東鄉賊乘虛

董家山梗其歸路令所部選董家山自率親兵三百駐傳軍中營以資鎮壓次夜賊眾數
千撲營傳營弁勇相率遁文秀憤怒率所部鏖戰身被一矛力竭陣亡其部將總兵鄭守
南楊文林李其祥劉篤志副將王福昌盧才華參將吳明勝游擊陳東海都司張有才李
湘南舒有貴均戰歿壯士殉者一百四十餘人時夜深月黑官軍與賊遂圍中殺

出繼從狄道還營而陳湜所
統各營皆退舍省會人震

案東華錄穆宗嘗諭河州賊悍集堅地勢險峻經諭令左宗棠督率各軍穩慎進取日久
見該督奏報廣係殊深近聞官軍進取新路賊未得手傷亡多人統領大員
有臨陣擄驅者有不知下落者現在各軍退紮高家集一帶帳房軍裝等件多有遺失勇
丁亦有逃亡而狄道至澄昌糧運仍是梗阻此等情形如果屬實則賊勢復張兵威頓挫
而糧餉又不能繼後事殊不可言左宗棠規畫河州圖維已久當此有機緊迫應如何整
頓戰守疏通糧路之處想必已悉心籌畫以作士氣而固軍心一切辦理情形即著迅速
奏聞甯靈一帶需兵鎮壓現分紮若干營張曜一軍向稱得力尙駐甯夏等處若左宗棠
前敵急需添兵就近調張曜之兵會勦足壯軍威著左宗棠斟酌全局妥爲辦理前據該
大臣奏劉錦棠請假六箇月回籍即令募勇來營等語刻
下假期已滿即著左宗棠檄催到甘派赴前敵以資得力

案東華錄河州之戰記名提督甘肅涼州鎮總兵傅先宗衝鋒冒險中敵陣亡記名提督
廣東高州鎮總兵徐文秀赴援苦戰中不殞命義經左宗棠奏請飭部照提督陣亡例
卹並於死事地方建立專祠其時殉難之總兵鄭守南李其祥楊文林劉篤志副將鳳才
華王福昌參將吳明勝游擊陳東海都司李湘南張有才舒有貴義不獨生被害最烈應
請飭部各照所保官階從優議卹並請徐文秀專祠以妥忠魂

蘇壽祺日以驕將驕疲兵未有不敗者也湘軍自陝北轉戰而來及攻克金積堡老巢已
疲矣而將兵者猶驕矜自得謂河州彈丸地旌旗所指如山壓卵如風掃葉不難一鼓盪

平也卒之地理不明反為賊破全軍覆沒不其悲哉至馬占整之出奇制勝以數百人抗二十營其神妙處真出人意料表矣

前福建布政使王德榜接統傅軍沈玉遂統徐文秀所部

先是新路坡之政傅先宗所部之副將田大勝

參將李天禧都司徐正華千總張承前文志懿熊得勝徐文秀力援苦戰時棄營先遁致文秀勢孤力竭與壯士百四十餘名同時戰歿又記名提督河州鎮總兵王得勝補用總

兵朱廣迎記名提督彭忠國蕭無能不能嚴督所部左宗棠恐其散漫無歸乃以王德榜統傅軍以期復振沈玉遂按統徐文秀所部及果勇各營扎黑山邊檄催譚拔萃張福

齊甘大有等營兼程赴安定馬占整值知官軍復進乃遣逆目馬俊等詣三甲集行營乞撫請先繳馬械陳提察其誠許之占整等自願分途搜繳馬械各遣子弟偕同自馬永瑞

等十二人赴安定左宗棠大營獻馬具稟乞撫

案平定關隴紀略王德榜字朗青湖南江華人福建布政使左宗棠討回亂奏調來甘督諸軍渡洮進剿河州逆回身負重傷喪力戰出奇制勝數百座壘以次削平降者十餘萬

拔出難民無數廣開狄道河渠引泉灌注開沃田百餘萬畝時豺狼為患命將士習獵搜捕狼患頓滅士民愛戴

幕壽祺曰用兵之道勦所當撫不必有成見存乎其間穆圖善喜言撫有時亦兼用勦頗為左宗棠所不取左宗棠專主勦有時亦兼用撫仍蹈穆圖善之覆轍穆固失

之柔左亦未必純平剛也當是時連喪兩提督於河匪無絲毫損馬占越雖願就撫而於官軍新敗之後當思有以雪其恥而振其威乃竟不戰而和夫固有投意者也不然誰敢

輕許其成也耶

各防軍搜剿南北兩路零匪

賊之伏匿南北各路者自去冬以來各防軍隨處皆捷北路廣武石空牛家營之役黃鼎蕭章開所部之何玉超劉

治均譚拔萃等擒斬二百餘名其股略盡章州紅溝窰牛角城田家溝各役雷正槍所部之易元壽穆進善及良回馬守成丁飛鵬等陣殲逆日馬天簡賽滿喇馬天彥金忠彩李

萬海等二百餘名捕斬逆日金忠才等數名招降馬三海三十餘人南路周文翔襲賊於靈北三十里鋪斃三十餘各擒斬逆日張占魁等十一名復追敗之熟羊城梅開泰羅賊

於狄道二十里鋪斃賊數十葉白魁王光富迎勦於窰店緊逼於東略溝追逼於甘溝擒斬百餘名內有馬三胖張三娃二名逆日也殷華廷田連考等往來搜勦時有擒斬所云

等匪者也而糾股抗拒之賊則於松樹溝斬十餘名張家灣斬六十餘名及田連考田應祥施斌平路川賊犯營壘二人身帶多傷襄劄力戰斃賊百餘名及賊竄榆樹川毀華廷

與裴思朝強風波尤成章楊德俊馮桂增等追及於白蟻峽斬六十餘名擒三十名至中路各防備賊尤甚上年十二月初旬賊犯姑灘楊正茂營壘經官軍痛勦而退正月十一

日賊犯林溝李佑清相持未決王行慶援之遂獲全勝十八日周曙良勦賊於會甯之高界斬賊日張五等數十名生擒十名二十日搜殺更多

肅州回匪又竄出關外陷安西州副將柳致勝為賊所擒

回匪竄陷瓜州署安西協副將柳致勝援勤失

利為賊所掠後用銀贖回上聞交部嚴加議處

夏四月鎮原縣舉人慕瞻上增設縣治書

其略云金積堡者故靈州屬鄉以堡倚金積山得名甘回逆首馬化龍據此陝回殘

敗渠魁白彥虎率黨西出亦以該堡為通逃藪及金積堡克復馬化龍伏誅後欲圖長治久安之計以為綢繆求雨之謀非增設縣治不可查靈州係古靈武當黃河東岸地據形勝唐肅宗於此即位遂致中興轄地甚廣北至花馬池南至下馬關延袤六七百里萬非一州牧之力所能制制除州北花馬池原設州同一員外州南四百餘里至下馬關始有營汛承平日久奸宄生心盤踞勾結遂成今日之亂請於金積堡下馬關酌設營縣撫治操防則空滑無所憑依人民自安耕鑿總督左宗棠即如議行奏請升金積堡為甯靈廳設同知一員參將一員歸甯夏鎮道管轄升下馬關為平遠縣設知縣一員游擊一員歸固原直隸州固原提督管轄佈置周密地靜民安迄今將五十年

秋九月於慶陽設靈志原縣丞

董志原舊為產繻之區在安化縣之西南拒城一百四里北拒西峯鎮二十里同治初陝回十八大營以此

為老巢涇慶所屬各縣被匪摧殘殆盡及白彥虎等走金積堡此地蒿菜滿自鷄犬無聲蚩蚩者氓所存無幾左宗棠懲前愆後請設縣丞以資佐理其地有六里五屯縣丞署在其中

案董志本古固原地漢置彭陽縣隋初改彭原唐武德元年又改彭州宋末蒙古與金交兵太昌原即其地也其地有彭原里去西峯鎮不遠矣明為鎮嘉靖時築堡其遺址在今

城南
三

慕壽祺曰乾隆年間新疆設辦事大臣控制遐荒規模闊遠維時北路烽燧無驚西疆開拓日廣往代所視爲邊荒者久已等諸腹地重關外而略關內中央計畫不得不如此也豈知關外增一缺關內即增一缺平涼甯夏所屬文武營汛各缺額視元明裁省爲多花門種族雜處邊隅者固敢自外生成矣及乾隆四十六年新教之爭四十九年田五之變同治時全甘之糜爛事變滋生浸淫廣左宗棠平定隴右審度情形編總未雨已添設甯靈廳化平廳平遠縣脩河城州判董志原縣丞明年又設打拉池縣丞以資治理而專責成庶漢回相安於無事矣

冬十月左宗棠令西甯所屬振興水利

湟中自趙充國屯田後或引黃河或引湟水百姓享其利宋何灌知湟州開廣利渠以溉

開達原開田並修復漢唐廢渠及咸豐十一年以來地經兵燹渠多淤塞宗棠爲民生計飭令各縣知縣各廳同知詳加調查預派夫料以待來年春濬時督修渠道以期復舊案宋神宗時何灌知湟州姚雄爲經略使創墾田法二百頃城砦五十頃募民開耕出粟灌曰墾田固法良然民與牛皆取足其地官田多墾即私出必荒是設法奪民也時城東開達原有開田近千頃灌命架觀川水溉之悉爲沃壤號廣利渠徙河峽二州提督觀河蘭湟路弓箭手召對奏白趙充國金城湟中穀斛八錢今西甯湟寧蓋其地也臣前待罪湟州引水溉城東荒田且千頃不一月悉爲膏腴而人之占耕者溢於地數况漢唐故渠間亦可攷若先葺渠引水使田不病旱則民樂募而弓箭手之額乃易足矣還至部述以其言之才半年得善田二萬六千餘頃應募者七千四百餘人馬九百餘匹爲他路最從章貫取畿武軍以功遷吉州防禦使知蔚州

十一月秋河西甯各土司准照舊承襲

土司之名自前明始西甯祁土司平番魯土司碾伯李土司洮州楊土司狄道趙土司岩

昌馬土司皆有功於明室而河州土司共三十餘家清初王全臣知河州以土司武斷鄉曲把持錢糧凡無前明勅書者呈請取消所存者三家而已此次回亂十餘年所在土民難保無不軌之徒與回為伍現在辦理清鄉如果認真查究各土司咎實難辭王全臣前案恐復行於回治時矣督師為安人心計一概從寬免究所有應承襲人員准照舊辦理附錄王全臣十司條議其文曰臨洮府河州為密陳潛除土司之法等事頃奉檄查議科臣陳允恭條奏前卑職全臣捧讀憲檄仰見科臣洞悉土司鋼弊為國家籌萬全之計而大部以所奏等款關係緊要難以懸議行本省督撫提鎮詳議具奏上憲自有鈞裁嘉猷職令邊未微員何敢妄陳竊維是職全牧河四載深悉土司國師在國害民之弊又何敢不聞緣職全因河州地糧不清小民苦於賠累是以詳請各憲清地查丁其開呈積書手欺隱詭寄者固多而土司國師包攬霸佔者亦復不少查河州沿邊有土司國師共十九族其中如洪化族洪化寺國師張老卜薩堅錯藏族馬營寺禪師趙羅威查南珍珠族永昌寺國師韓且令札失俱奉旨頒有勅劄印信他如沙馬族土司蘇成威白藏族土司王鎮海雖無印信俱有部劄號紙世相承襲其餘則並無部劄號紙止因隸河司中馬途各自分以族類自立為頭目者也伊等各在衙門各設刑具虎踞一方威勢赫炎矣地與漢民犬牙交錯附近居民有畏其欺陵竄入者有被其引誘竄入者有犯法罹罪而竄入者有避荒抗賦竄入者佃種番地遂成部落者有賣產土司遂成番地者種種弊端難以枚舉試舉一二言之如撒刺族頭目韓大用韓炳巢原在積石關外最為豪強近聞居民屢受侵害田地房屋盡被霸佔甚且擅准漢民謁訟窺伺一人稍可聊生即商同地

棍捏詞誣控差役鎖拿被告之家不致破產不止聽全聞之親至其地但見關口大禹王廟牆垣無存盡爲禾黍詢之十人咸稱係韓大川與韓炳巢部落回民所耕種大禹王之廟如此其他可知已職全常將霸佔田地逐一清查有主者令其取贖無主者即將種地之回民註冊令與漢民一例納糧當差並嚴上官不得擅受民詞隨嚴飭居民如有赴土司告人者立拿重處大禹王廟即拍賣位葺又以回民多盜嚴立保甲備有偷竊即協力擒拿由是奸回知懼而居民始得安枕更可異者河州刺麻最盛寺廟最多族大之家必有佛廟張姓有張家寺李姓有李家寺寺中刺麻盡屬洪化馬營二寺管轄名爲下院派中馬匹此猶得日以類聚也乃河俗鄉民生有二子者必將一子被刺爲刺麻其父置出產勿論僧俗一概均分以自來納糧之民產一分與爲僧之子帶入寺內遂名爲香田止供給洪化馬營二寺之差而止供錢糧不納分粒甚至爲僧之子苦於二寺之苛派繫維力不能支求濟於宗族宗族憐而資助之謂之幫中此不過鄉民親親之誼也乃年復一年又爲定例矣竟歲歲派納香錢夫幫中乃義助也香錢乃布施也寺內中馬自領有官茶易買並不宜派之番族也乃里民之幫中與香錢伊等派之既久遂勒令中馬因以所種之地爲納馬地起而爭奪之如或不應即細至寺內撻打其罪自倍於官法若控告到官彼則侈然自以爲寺內之派中茶馬原名曰幫中原名曰香錢若所種非納馬田地何以歲歲供給無情之詞令人百喙莫辨鄉民苦於拖累只得歸附該寺而一切丁徭地糧遂盡遺繫於里民等聽全竊思有司者守土之官也力縱不能化番民爲漢民關番地爲內地奈何以朝廷之土地人民任番族之濫佔耶是以職全自去春以至今秋極力清查凡刺麻帶入寺內之民產盡行註冊納糧止飭令諸寺中之刺麻仍隸洪化馬營二寺管轄以存彼下院之名其宗族禁勿幫中香錢禁勿布施使彼後此不得借端隱佔而地丁

之汨沒寺內年歲久遠者已多不可復開矣即如四十五年六月內馬營寺禪師指使都剛趙扎失本控告黑水里民董啓佑等以香田作為民田職全細查實係董啓佑等賣與馬營寺之民地該禪師自知虛妄竟用印文具呈到州自稱其地實係民地但賣與寺內多年久不納糧懇求職全施為香田免其註冊職全閱之不勝髮指當即飭令註冊在案又如景古里民洛扎茲力竄入洮州衛土司管轄州族內其丁徭遺累里民車萬庫等具控到官該土司竟用印文中詳力爭於四十五年四月內蒙岷州廳憲審詳洮岷道憲批允洛扎茲力仍居番地以安身業承丁河州以完正賦等因飭知岷州在案是土司國師等之霸業佔地其來已久其術甚巧總緣伊等以土司國師為護符自恃從無處分定例而有司有不敢加以刑法遂肆意妄行毫無顧忌與里民爭地則稱係伊等納馬田地與里民爭丁則稱係伊等守隘部落動以欺君抗中悖旨違誤軍需等語挾制官司承審之官宜以招中為重不敢深究殊不知朝廷招番中馬每馬一匹給茶二十四封以部定價值合算共該銀七兩二錢以產馬之區每馬給價七兩有餘亦不為不多矣究之伊等所中馬匹率多以瘦小塞責不肯中一好馬是彼方借招中以射利與納賦貢者大相懸殊也夫尺寸之地莫非王土若伊等所種不納糧之地果盡係納馬之地則中馬即不應冒領庫茶既領庫茶其地土即應與里民一例納糧當差乃地不納糧而馬必給價欲爭奪民產則侈然曰此我稿馬之田土不遂其欲者即為欺君悖旨是直玩弄承審之官如嬰兒也至於各關隘俱設有汛兵防守自來不聞土司國師擒一盜賊而鼠竊狗偷之輩多係伊等番族乃自謂守隘以朝廷之赤子欲爭焉伊等部落其為欺君悖旨莫此為甚職全日擊伊等之橫肆正在確會詳議間適奉憲檄查議科臣密奏等款此誠釐清銅弊之會也查各土司國師俱係隨元明征勦立功錫以世職祖孫相承至今於與朝曾無絲

奏報効乃以朝廷地土據爲已有中一馬匹必冒領官茶二十四封而又深根固蒂不可
動搖誠如科臣所云相應詳請憲查俯賜轉詳撫憲特疏具題先飭行各該管地方官將
土司國師現在耕種之地土清其畧界現在管轄之部落查其戶口造具清冊該管官鈐
蓋印信齎投藩憲存案使伊等不得混爭並請嚴定處分如有霸佔地丁等弊卽立置之
法使伊等不敢橫肆然後於承襲之時令諸子剖其田地分其部落卽降職承襲其子孫
未有不歡欣樂從者至於國師禪師必以親兄弟之子承襲亦以此爲例將不待數十年
而土司國師之田土丁口皆入版籍續設州縣改土爲流甚易耳此誠漸消默奪之良
策不但錢糧丁口必倍於今日而刁番不致驕橫邊民免受侵害亦爲國家萬全之至計
附錄左宗棠奏勸明分撥化平廳轄境疏爲勸明分撥化平廳境擬定該通判都司缺次
擬添該文武所屬員弁及應行籌辦各事宜恭摺詳陳仰祈聖鑒事竊臣於同治十年二
月初九日奉 上諭左宗棠奏安插陝西回衆請增設官員以資鎮撫一摺陝西就撫回衆
一萬有奇除該親屬認領外共男女九千四百餘名口均安插華亭縣化平川地方今該
督飭令道員馮邦棟前往散給賑糧丈量地畝按戶分撥房屋窰洞並購給籽種酌發耕
牛驟驢督其開墾播種辦理均屬妥協該督仍令總兵喻勝榮等妥爲彈壓一面檄飭該
地方官加意撫綏毋使失所遇有詞訟案件止分曲直不分漢回總以持平辦理毋任稍
滋事端其所請添設化平川廳通判化平營都司各缺著該部議奏餘著照所請辦理欽
此旋准吏部咨開查陝西就撫回衆既據該督奏稱安插化平川地方散給賑糧地畝分
撥房屋籽種督其開墾並請設官董之該督係爲撫馭回衆綏靖地方起見自應准如所
請添設化平川廳通判以資鎮撫又添鑄印信禮部查定例文職官員印信由吏部篆擬
字樣送部鑄造等語今陝甘總督左宗棠奏請添設化平川廳通判一缺既經吏部議准

自應頒發通判關防一顆以昭信守恭候命下由吏部撰擬字樣移送臣部即行鑄造頒
 發又應建衛署工部查陝西就撫回民既據該督奏稱安插化平川地方應添設化平川
 應通判并化平營都司各缺自應准其建立衛署以資辦公應令該督飭委妥員據實查
 勘籌款興修報部核辦又奏稱添設都司一缺並飭千總牟春陽帶土勇二百四十名分
 紮關山三才鎮各口調記名總兵喻勝榮帶所部平江營扼紮化平鎮以司稽查兵部查
 安插就撫回衆既據該督奏稱添設化平營都司自係因時制宜起見應如所請准其添
 設化平營都司以資鎮撫其新設都司一缺應作何項之缺並添設營屬各弁如遇該地
 方承緝盜竊案件及未盡事宜均俟該督續陳到日再行核辦再吏部查新設化平川道
 判一缺應作何項之缺並屬屬各員及一切未盡事宜應由該督等詳細體察情形奏明
 辦理等因同治十年四月二十五日奉旨依議欽此相應知照可也等因臣當即行知藩
 臬兩司會同甘肅軍需局妥議詳辦并札委督辦平涼各屬善後事宜記名道馮邦棟履
 勘新設化平川廳治四境轄界據馮邦棟稟奉札後遵即調取固原隆德平涼華亭等州
 縣輿圖並飭各派熟習地輿書役前來帶同親往各處逐一查勘勘得化平川東南擬自
 四溝嶺起至羊套梁老虎崖黃家瓦山一帶分界向係平涼華亭舊界東北擬自土窩子
 石起至錢家窩董家川鹽池河一帶分界向係華亭固原舊界西北擬自鹽池河起至香
 水巷龍江峽關山一帶分界向係華亭隆德舊界其鹽井一眼擬劃歸化平廳管轄西南
 擬自關山至後麥子坪龍臺山石嘴子河一帶與華亭縣分界由羊套梁至龍江峽止東
 西約距二十五里由石嘴子河至鹽池河止南北約距八十里化平四境轄界周圍約計
 二百里並繪圖貼說呈核等因臣當即札發藩臬兩司會同甘肅軍需局併前案妥議詳
 辦去後茲據甘肅布政使崇保按察司楊重雅會同委辦軍需局員署蘭州道蔣燾學四

甯道舒之驗候補道瑋武等詳陳新設化平川廳周圍約計二百里向係固原隆德華亭
平涼分轄之處應知道員馮邦棟所擬撥歸該通判管轄其通判都司應作何項之缺之
處公商議請將添設化平通判一缺作為化平直隸撫民通判定為繁疲驛三字要缺歸
平慶涇道所轄並請仿照鎮西撫民同知添設照磨一缺作為要缺添設訓導一缺內外
揀調又例載陝甘題缺該總督提督揀選材技優長諳練地方之員保題請補等因今新
設化平營都司係要缺應請作為題補之缺以期揀選得人又添設經制外委一員如
蒙俞允該照磨訓導應請敕部頒發印信其都司所屬經制外委應用木質鈐記例由司
刊發以昭信守至於應行舉辦各事宜另呈清摺詳請分別奏咨如有未盡事宜請俟安
設安定再由該通判都司隨時察看情形陸續陳請核增等因前來臣覆核無異除化平
川廳額征地丁正雜錢糧各若干民地屯地各若干該司雖存有該州縣額征錢糧然
應如何分撥無從可稽應俟飭令該管道府督同該四州縣按照原撥地段界內額征之
數備細查明開造其化平營兵丁應從何營分撥由臣咨明提臣核議再行奏咨立案其
應修建增廟祠宇衙署倉廩由臣委員據實查勘籌款興修再行咨部核辦外所有勘定
分撥新設化平廳轄境擬定文武缺次擬添設文武所屬員弁各緣由謹恭摺陳明並將
應行舉辦各事宜開具清摺咨部核辦再化川與豐謄平川兩水合流入北面河歸涇
水入涇州界前清設稱入清水縣界合併陳明伏乞皇太后皇上聖鑒訓示施行謹奏
案化平漢安定郡地隋大業初屬隴州唐大曆八年隸義甯軍宋初置安化縣西北至番
界十里改屬行渭州金大定七年改為化平縣屬平涼府元併入華亭縣明因之清同治
十年劃平涼固原隆德華亭四州
縣地分設化平川直隸廳今改縣

中... 實力... 必... 能... 爲... 生... 此... 之... 此... 之... 此... 之... 此... 之...

二月河州回酋馬占鼐遣其子安良

後爲甘肅州提督

赴安定大營請降

自傳生宗徐文秀等相繼降亡河州

敗以官軍無戰鬪力謀攻安定大營馬占鼐曰諸君何昏憤乃爾古之大盜如張角葛榮黃巢國獻之徒近者四五年遠不過十年皆消滅於無形自成豐初元洪秀全起事盤據一十三省蹂躪六百餘城湘軍出而勦平之甘肅軍與近上年錄錄之毒徧地而礮石之安無期常此以往不惟漢族仇怨日深回族亦無立錫地是豈不可以己乎果如諸君所欲往攻安定大營即使一戰而勝席卷而東百二山河皆爲吾所有誰以一凡泥封函谷關使關東將帥不復西來去一左宗棠將有無數左宗棠在其後河州彈丸何能與天下抗君子見機而作不俟終日今日之事舍降別無生機吾意已決諸君勿復言乃使其子安良赴安定左宗棠准其投誠旋繳馬二千四百餘匹父子槍並雜械七千餘件拔出隨教漢民六百餘戶撫周似再無中變之虞

左宗棠奏疏竊維河州土回馬占鼐馬尙大等潛誠求撫呈繳馬匹槍礮刀

矛均經疊次馳報嗣據該回自自限分途按戶搜繳一月完竣出具並無隱

匿存留切結計先後共呈繳馬匹四千有奇槍矛一萬四千有奇候補按察

使陳湜委員同時分起赴各鄉按村勘驗無異方馬占鼐等之自限分途搜

繳馬械也各遣子弟並偕各回目馬永瑞等十二人赴安定軍前獻馬五十匹具稟悔罪投誠臣宗棠宣布朝廷威德諭以生死禍福聽其自取比仍縱令歸巢催交馬械該回民疑畏益釋誓爲良民至是據報馬械盡交乃明白曉示准其就撫從來辦撫之道以編審戶口爲要編審戶口以遷徙客回安輯土回爲要河州全境周五六百里回多漢少雜以番種同治元年變亂以來陝回多避居其中自陝境肅清金積掃蕩固原東西山相繼平定所有各處倡亂之回亦多寄孳其間以避誅戮此客回之應遷徙者也其本籍漢民有受河回脅制甘心役使名爲隨教以圖保全者有仇隙已深逃至洮岷狄道充當勇丁而親屬仍留河境者宜分別拔出以杜毀端此本境漢民之應遷徙者也其外來漢民有因陝回裹脅而隨其同竄河境者有被河回裹脅

而認爲義子齒諸奴僕者應逐一勒令交文出護送原籍以別種類而資完聚此外來漢民之應遷徙者也撫事既定乃次第圖之願謀遷徙必先定安插之地漢回各有攸往漢民安插狄道金縣安定會甯一帶凡近城驛漢民聚積之處宜也回民則近城驛非所宜近漢莊非所宜併聚一處非所宜從前安插陝回如化平聽平涼縣大岔溝及北原各處丁口已一萬數千既未可多所附益又此次安插回民有籍隸陝西者有籍隸甘肅者當其併力抗拒官軍固無彼此之分也一旦交馬械就撫還爲齊民則甫被新恩旋尋舊怨不但陝回與甘回氣類攸分卽陝回與陝回甘回與甘回亦有不能併域而居者以撫局論分起安置決其羣孤其勢計之得也卽以回情而論亦非分起安置不可乃預飭定定會甯平涼隆德靜寧州各牧令覓水草不乏川

原荒絕無主各地自成片段者以便安置旋委員分途履勘乃度其廣狹遷
陝回於平涼之謝家莊陶家莊張家莊曹家莊於會甯之姚王家曲家口於
靜甯州隆德縣之王家下堡劉家山於安定之劉家溝石家坪好地等
處遷甘回於安定之劉家溝遷漢民於安定之青嵐山新套夏家營坊其陝
回中親屬有已安置化平麟平涼縣境者漢民中親屬有已流寓隴西狄道
河州各境者聽其自行投赴完賑而皆給以賑糧大口每日八兩小口每日
五兩其遷出稍晚尙能播種粟糜蕎麥者照所墾地畝給以籽種其節已
過不及種者令其盡力耕墾以待明春所需農具一律酌給惟陝回馮均祿
一起住河州西北二百餘里黃河北岸已經彼耕墾栽種乞俟收穫後遷移
聽候安插而鹽茶固原回民從前寄居者尙待清查其應遷之漢民亦有求

緩俟收穫者然丁口已無多矣遷徙安插漸有頭緒乃令署河州知州潘效
蘇赴任新授河州鎮總兵沈玉遂帶所部後路五營赴河州鎮任署河州州
判米聯璧赴太子寺分駐任所據潘效蘇沈玉遂稟報沿途漢回列岸焚香
迎送絡繹馬占龍馬朶大馬永瑞及各回目阿渾等咸跪道旁膜拜感泣並
納糧百萬解備軍食因亂後空城僅存於關廟建知州官廨暫資辦公沈玉
遂五營列帳城中分飭所部果軍四營由城關外延紫甯河一帶提督張仲
春領所部宗岳六營進駐太子寺一帶提督陳廣發總兵凌春臺以所部輔
字良字等營駐三甲集提督王衍慶所部左路五營及鎮西中營兩營仍駐
康家崖總兵張福齊所部六營由沙泥站分布北由阿干鎮以達省城南出
沙倫接康家崖前福建布政使王德榜所部定西等營仍駐狄道河州撫局

雖定而諸路連環布置仍未稍疏也惟西北二百餘里循化同知所轄番回雜處毗連西甯卽前史所稱吐谷渾地今爲撒拉回所居其民悍爲甘肅邊患久矣亂後番回自相殘殺人物彫耗文武不能履任遂以化外置之茲因河州撫定撒拉各回目亦赴軍前求撫陳混調知狗齒牙馬彥龍馬龔子等敗後竄匿河州境地密諭馬占釐掩捕馬占釐陣績將狗齒牙馬彥龍馬龔子獲解其希圖立功自效之情尙似可信現籌辦理善後要務如清查地畝編審保甲分給門牌安設驛站修葺城垣關隘各事宜正在次第辦理上忙已報開征民間輸將亦覺踴躍察看情形人心大定各路大致又漸次肅清臣宗棠料理完竣卽可進駐省垣矣所有河州撫定收復城池辦理善後實在情形謹合詞恭摺馳陳謹奏

丁未歲曰欲
和常備戰馬
占龍其殆處幾
乎明句河州一
不取與劉家一
抗備館或而後
和乃拚命一
戰官軍死兩提
守左文襄疏建
守罕涼乃竟遺
子乞撫實受降
考兩日始釋其
才識實出諸馬
之上

幕壽祺曰敗而請降古今通例馬占慈於大勝之後遣其子安良詣安定大

營投誠左宗棠大驚於是穿黃馬褂戴珊瑚頂面南坐軍官鵠立兩旁帳外

則環以親兵如臨大敵然後呼安良入見突然問曰爾父畏我乎曰丞相天

威西人自此不復反矣宗棠則又大喜蓋夙昔自比武鄉候答者揣其意而

投其所好也乃准其反正河州之亂於是乎平矣

總兵徐占彪進薄肅州城

自同治十年十一月十九日占彪率兵行次甘肅州府探悉逆
回先期遁赴肅州遂抽帶三營於二十七日馳抵高臺與成

祿會晤接防以步隊兩營分紮撫彝高臺派總兵胡騰芳帶馬隊百餘騎護送委員赴肅
州南山各堡探買糧食十二月初四日抵清水地方遇賊零騎胡應芳追至五六里許遇

大股約二千餘清水都司胡祥麟紳士王忠率團丁助戰略有斬獲徐占彪在臨水得報
即夜率步隊三營往勦成祿亦派鋪文遠帶所部一營同行初七日二鼓抵清水初八日

黎明分途進擊賊不及備立斬數十名賊大駭而奔跟追五十里至金佛寺復獲大捷而
裹糧已罄乃留馬步各一營駐清水自率所部回高臺官軍凍斃十餘名凍傷九十餘名

據逃出難民李八斤子供此股為崔三禹得彥胡天喜等逆眾約三四千欲回雷就撫
不期清水遇勦死傷太多走回肅州驚懼之極已出關去矣營官安杰自肅州偵探回報

亦同並云賊意由關外繞竄西甯就撫又前竄擾安西之馬長順及蘭州回日馬朋擬就徐占彪處求撫請自備馬械效力贖罪具稟求安杰轉遞肅州亦漸安靜無驚惟占彪請示之稟自正月十一日發遞至二月十八日始至安定

陝甘學政許振禕來甘補行生童歲科考

學政駐陝西三原縣每三年按臨一次自同治元年回亂後生童未應試者十餘年

矣至是關內肅清學政許振禕不避艱險由平涼起至肅州止按棚考試共取新生萬餘人有由文章入庠幫增補廩貢成均者頗不乏人蓋補闕右十餘年之歲科考試也

安定大營通令各軍官轉飭所屬不得再駐書院

自同治壬戌逆回不靖蔓延邠屬橫經之士日輾轉於顛沛流離中

而舉蘭縣書院虛無人矣厥後征四車馬糶集雲屯驕弁悍勇據為邸館桃李為新窗扉盡廢惟餘數楹破廈四壁殘碑與蓬蒿相掩映而已左宗棠令蘭州府舉蘭縣恢復書院及各義學時蘭州府鐵珊以南關回民義塾無校舍發棧木數十俾暫作涼棚以便上課宗棠聞之歎曰省城未破壞地方且如此外縣可知矣因通令駐防軍隊將書院交還各州縣學界保管

三月免雜捐

軍興且十年官吏幕僚號有幹略威風積勞至方面者踵相累要皆以省國帑為忠愛括民財為權宜括財之日繁矣小者不足言其大者有釐金有捐

輸有新稅有抽租有預借有運脚有驛價他省或用其二三甘肅則全用之被征歛乎道而火煎士大夫家亦難免敲門之驚恐矣免之者誰總督左宗棠也

王源瀚紀事詩云聞坐對客談剝啄壁大惡放膽為開門三人肆凌虐右手各執刀左手交擊搏相顛錯愕間已成入羅雀客即緩頰來一觸威愈作陳說雖至多怒顏未開拓始知賊征輸為我不踴躍問有觀望心應曰莫莫何以屬愆期應曰錯錯錯此後再勿遲

高鄉

約

募詩曰今之甘肅非猶是同治時之甘肅乎怪怪奇奇十倍於前到處鴻嗷遇荒年也而有加派之款不種驚粟違法令也而有賴務之捐捐捐增用彌濫民日少盜日多迨至

寇盜攻城而鐵鎖琅瑯猶沿門而追索求如左宗棠之節免怒難得其人也

詔成祿出關履烏魯木齊本任

時成祿領兵高臺以為肅州克復有日觀餽分功左宗棠疏劾之概職違差朝命成祿出關履烏魯木齊本任

成祿節詞遠巡久駐高臺蓄優伶自娛嘗以索糧破民堡寨屠戮殆盡平時縱兵淫掠而未嘗與賊一戰也

總督左宗棠收撫河州回匪

湘軍攻河州失利傳先宗徐文秀二將死之馬占鰲遣其子安良至安定大營乞降宗棠已心許之矣湘軍參謀陳

湜主撫時范銘軍險次岷州馬崖堡將進攻河州宗棠聞之令營務處轉飭范銘以謹慎從事恐戰或不利反激動全河崖以制勝范營幕友言戰之利且退而擾民何若進而薄

險銘許可勇遂盡渡洮河而河州撫尉已成

附錄女定王賈三聞陳廉訪湜主撫詩云倒擁旌旗仆鼓鞞將星退舍怪雲低忽傳贊普書先到敢謂單于幕可犁萬戶已將生佛供九泉誰見死人啼請看一片降城外亂草殘骸擣馬蹄又回首馬占熬免詩云龍戰乾坤血未銷彼天何事縱天驕祇堪孽鏡留冤獄安有爰書載救條輿論至公千載定君門雖大九重遙公然殺將屠城事說與襄擊破寂寥又叛逆就撫七絕其一云一傲飛傳各部知祁連山上待鐫碑欲收朔雪天王地先捲陰風大將旗其二云星羅八陣困遺民虧得南陽布置神如此恢恢天網大千金難購解飛人左宗棠每以孔明自况二句殆指左而言

徐占彪敗肅州賊於亂古墩

先是賊攻臨水河民堡占彪擊之大捷賊復攻老鶴堡比官軍至而賊已遁至是占彪先代四營於十里外之亂古

墩以右營馬隊防援賊自率軍至東關誘賊且戰且走至亂古墩伏兵突起賊敗追斬無算城賊出援復敗馬四自率死黨來戰參將蕭慶玉以開花礮轟之傷其馬徐春先往擒為飛子所傷馬四乘間逃去是時甘肅逆回知河回已撫欲竄秦階山中與遊勇土匪聯合於是西和階州白馬關及紅德城石溝驛等處遂有賊出沒防軍躡蹤逐勦

夏五月桂錫植率軍至肅州

錫植率軍抵肅州賊出迎戰錫植敗之破其一卡逆首馬四見官軍日集遣人向關外及西甯各回族求援並有關

外纏回二千餘人入城助守時西甯逆首馬四三已死陝回畢大才由大通北原竄援肅州禹得彥白彥虎悍黨多在其中

大軍雲集關隘漸平時代 附錄宗

肅州後華印書館出版

勅建劉忠壯公

名松山 楚南人 祠於靈州城內

時兵燹之餘蘭州木商歇業木料無從購辦劉錡棠聞靈州城內舊有回民禮拜寺三處曰中

寺曰州寺曰西寺材料結實堪以改修遂以三寺作為叛產拆毀修忠壯公祠後於甯靈廳城內查有馬化龍所建會議庭改為劉公祠黃自元書碑

案唐初回教徒建懷聖寺於廣州天寶元年命工部督工官羅天爵建清真

寺於西安府蓋自穆罕默德刪經定制分人為九等聖有四曰聖人如脫魯

武郁實爾是曰欽聖如施師葉而孤白素來馬尼是曰大聖如努海易卜刺

欣母撒達五德爾撒是曰至聖惟穆罕默德一人而已次於聖者曰大賢曰

智者曰廉士曰善士曰庸常

天方典禮

其用工之法曰設禮而武譯言禮乘曰脫

離格式譯言道乘曰哈該格式譯言真乘曰麥爾發武譯言超乘此回教之

本旨也元代設回回司天監仁宗延祐元年立回回國子監六年陞廣惠司

秩正三品掌回回醫藥

元史

明洪武元年御製百字讚永樂三年賜賽亦的哈

馬魯丁敕修護持成化十八年改關中清真寺即唐天寶元年所建為敕賜清修寺弘

治五年敕建清覺禮拜二寺於應天府以處亦卜刺金可馬魯丁等子孫優

免差徭猗歎休哉王鏊碑

慕壽祺曰昆邪王祭不用牛羊惟燒香禮拜漢武故事此言匈奴之俗也及匈奴

衰回部強盛唐天寶之亂回紇有戰功者得留京師西京長安後乃創邸第佛祠

新唐書常袞傳此為陝西建禮拜寺之始元和二年正月庚子回紇請於河南府太

原府置摩尼寺舊唐書憲宗紀此為中原立禮拜寺之始由唐至清近瞬將千載寺

幾無省不有况甘肅為漢回雜處之區哉蘭州各禮拜寺有總督公鎬蒙古正隆

旗人嘉慶四年總督題額其鄭重可知矣今修劉忠壯祠而毀靈州三禮拜寺

東寺西寺由來已久毋乃不可乎

清道教向不拜佛唐書所謂佛祠也今之禮拜寺也

左宗棠令各軍進規西甯

是時逆日馬永福率米刺溝西馬營各回就撫非陝回崔偉白彥虎等尙懷疑貳宗棠知陝回首逆及各回目營口均在

大小南川擬進師四甯攻所必救俟其回援擊之乃令馬永福馬占綸先截陝回去路檄提督何作霖由康家崖赴碾伯劉錦棠由平涼進軍並調陝西直隸州龍錫慶率所部至

碾伯會剿

徐占彪誘擊肅州賊大破之

肅州回逆自三月敗後倚朱家堡黃草窰塔爾灣文殊山各堡爲犄角環以連卡百餘座負隅所守占彪已與賊相

持久非誘之出不能戰乃令所部歸化營回勇暗約馬四出隊攻官軍當作內應以纜旗爲號是日占彪潛率所部伏城西南老馬堡天方曙先令步隊二營誘賊賊疑不前及見回勇在亂古墩上繞旗賊乃大出時杜錫慎伏深林中俟賊過甫半橫截而出賊分隊抵抗歸化營迎頭猛擊官軍繼之占彪老馬堡分三路衝出賊屍枕藉遂分二股一奔城關一奔朱家堡時陝回舉大才竄至撫彝境甘肅提督楊占魁令提督張慶雲截勦賊已折竄東樂張慶雲追之賊又竄山丹追至紅寺湖小有斬獲另股騎賊竄至鎮番遊擊李效先副將王禮和會勦於唐家寨陣斬數十名張慶雲追陝賊至黑城遇另股賊自扁都口竄出與陝賊合約千餘騎與雲扼之駐嶺山賊折竄人口適賊犯大馬營營來向副將札拉芬與張慶雲俱赴援戰於周家莊傷亡頗多而平番之柳林口亦有賊擾擾圖善派兵勦敗之涼州鎮總兵王仁和亦敗賊於高古城

徐占彪分軍攻克塔爾堡

占彪以肅回所據塔爾灣各堡不破不能規取肅城令黃虎臣出軍雷臺廟一帶牽賊自率馬步五營並調紅水臨水兩

丁夜趨塔爾灣令副將馬桂植率馬隊為兩路策應分所部為十各指一壘攻之時天未
曙賊倉猝抗拒官軍已乘間躍入攻克四堡十九墩卡援賊俱為馬隊擊敗是夜復襲破
墩堡六乃分軍輪攻塔爾堡至六月朔攻克東山堡占彪進駐黃草壩營攻益急是夜降
回肅明太倉勇先登守備徐春先繼之遂克塔爾堡乘勝攻克文殊山黃草壩諸堡於是
肅州城外百餘墩堡依次削平
各軍進駐沙子壩距城僅二里

六月肅州賊攻犯官軍營壘參將蕭崇玉等大破之

賊五六千自南門出頭裹白
巾縛黃白紙前斜排兩行中

作方營後列散隊既成列先殺一婦人一犬為壓勝詭經奮死猛撲官軍靜以待之俟其
將近氣衰乃衝出賊殊死戰蕭崇玉以炸藥羅之桂錫植率馬隊徑穿賊陣賊大亂餘
彪磨軍衝殺斃賊無數賊退距城南枯樹堡次日
城內賊復出數千分駐香莊伏麥地以槍擊營壘

官軍連克香莊各賊堡

賊出南門索戰官軍分三路進勦不移時賊見潰遂乘勝
莊殺賊千餘俘回馬納斯阿渾張景幅連日克城北北崖

城南枯樹堡城東南四壩各堡卡
城東朱家堡堅巢肅城遂孤

秋七月左宗棠進駐蘭州省城

是時劉錦棠各軍已先後抵礮伯西甯求撫之
回難激馬賊皆疲朽不堪錦棠虞其詐令龍錫慶所部

綏定營紮上里鋪自率馬步進駐平戎驛逼近大小南川分兵聯紮馬家灣及三十里鋪
與小峽口毗連錦棠至峽口周覽地勢回堡中突出馬步百餘官軍還擊乃遁次甘肅馬

步千餘由山頂繞至檢柴溝錦棠令提督譚上連由左路登山邀擊陶生林等率馬隊沿山列陣山路險窄賊據山巔力抗錦棠督軍奮擊斃悍賊四十餘賊始敗緣澗淪溝而遁禹得彥崔偉率馬步二千餘由城奔峽口犯三十里鋪營壘白彥虎畢大才從紅水溝繞官軍後路追水北岸賊千餘亦納賊助勢何作霖俟賊將近整隊猛擊賊大潰奔錦棠計賊必再至令余虎恩等率兵迎擊賊果在峽口南北西山騎賊繞至東峽於峽中礮石卡二座南山賊亦憑險拒戰譚和義等渡漳馳上北山擊敗踞賊徑趨峽口以西陶生林從溝內鈔出南之南賊乃大敗何作霖乘勢衝入峽口攻破石卡盡噉卡賊於是連日破平戎西高驛溝口桌子山堅壘俘斬無算

左宗棠重修安定縣永定橋

安定縣所屬宋家溝舊有王公橋為官商必由之大道乾隆時葺為石橋知府王廷贊重修比經回亂行旅往來維艱

所礙而貨車載重行至此心為懸左宗棠派工程營重修工竣幕府請作記宗棠曰掠美沽名吾不為也但名之曰永定

王公橋自湘軍再修而一年五月始壞於回匪惠產請之西省政府飭定迅為會同防軍迅為修築屢修屢壞迄手於今總由工程不固無礙決之漲處無礙

附錄王廷贊重修王公橋檄其辭曰秦隴孔遺也坡陀峻坂險阻絕安定東尤迫狹危棧紆曲僅容單車旁臨不測之谿垂址在外過者人馬掉戰喘汗盤僻一蹶跌身即粉碎風雨時至萬山之水瞬息奔灌咫尺不可辨識舊有王公橋渡衝激傾墮時集前無餘址矣古者掌固司險官不失物而澤不陂川不梁道路苦塞見譏於存伙又况當茲通驛縑衣節鉞所泄重邊將帥移防述職荒陬小夷之長質子入侍商賈仕宦南北轍迹所必經之地者哉久弊不治非特守土者之羞抑郡父老所惻然動心慄魄者也本官奉命典郡又攝觀察使義不忍忽與方伯趙公議與復公慨然慮事量功非謂宜濬支流設水勢以圖無窮而儲時或細合俟諸部內多尙節概者本官因與士民約毋息毋悻城

鐘樓學宮之役紀瑣以捐貲進階四品去歲事也今工尤亟費尤鉅當申請大府論敘延錫冠帶朕所納多寡為差即不格旌於其闔損有餘之財樹桑梓久遠之利叨爵秩獲榮譽矣惜而不為哉行見慕義勸功矯首攘臂踴躍成事易畏途為坦道矣

八月徐占彪圍攻肅州城

占彪分所部馬隊為二營環肅州城分紮城缺北門一面賊屢敗賊憑城固守官軍以開化礮轟擊城墉賊以兵少長圍不能合徐占彪乃請左宗棠濟通調赴省防之奇捷因軍饟積欠潰散劉錦棠亦請濟師宗棠無以應乃奏調湖南提督宋慶全軍由陝赴甘助勦以張曜紮金積堡令督譚拔萃所部赴西甯益錦棠軍而令楊昌俊所部由狄道安定各路赴省及世俊全行馬營監防軍譚潰出通渭過伏羌過禮縣駐長道鎮之副白旗總弁張成倫與賊被戕潰勇進由秦州竄清水之關山

西甯逆回馬桂源兄弟勾結白彥虎等扼紮小峽口抗拒官兵

先是同治八年西甯逆回馬

西甯郡城勒索賈命銀兩北川蘇家堡西川哆吧賊匪各築土城驅該鄉漢民冬十一月廿州提督楊占鼐檄調馬本源赴甘議事旋甯後即護西甯鎮築務九年西甯逆回馬彥三等誘陝回白彥虎攻陷東川曹家高寨兩堡旋進城橫索錢財仍命之曰賈命銀兩十年五月陝回攻陷南川班沙爾莊及總寨堡同治十年十二月馬桂源赴安定稟見左宗棠十一年二月馬桂源由安定回甯與馬本源蘇有成等命匪徒數百人駐紮四城頭至是聞統領劉錦棠率師來援馬桂源兄弟勾結白彥虎等扼紮小峽口抗拒官兵

案西甯環山匯水山多不毛有勃且宜春諸水極以湟中名者諸水皆歸宿於湟而流繞於西甯城外城南北西三面路咸通羌戎惟東面一徑通蘭州及甘涼諸能出城二十里許有石峽為雙崖門立諸水會合雲洩雷奔崖址可通馬步舍此行旅無他徑谷名小峽口即宋之綏遠關唐之省章關漢之四望關也一夫當關萬夫莫開湟中形勝尤為最險餘見第一卷神僭元年七月趙充國屯田湟中九卷崇甯三年七月王厚攻鄯州及此卷光緒二年秋七月西甯小峽口新築南北兩關各注

九月詔金順率兵赴肅州勦匪

將軍金順於同治八年率兵由後套抵甯夏防營九年會同各軍克復金積堡駐軍甯夏以資鎮懾至是肅州

逆回馬文祿勢頗猖獗詔金順會攻肅州左宗棠奏疏云金順雖奉旨援肅報明九月十五日由甯夏起程亦知何時抵肅且非徐占彪所能節制因於西甯各營內抽撥陶生林所部赴肅助勦以防該逆外竄而合圍聚殲也必俟西甯事竣轉飾而前耳

三品卿銜道員用總統老湘軍劉錦棠攻西甯大小峽口克之

先是金積堡克復後錦棠奉其叔劉

松山遺命金積堡不破不得扶骸歸葬今破金積已久劉錦棠屢請給假扶柩南旋左宗棠以河西未靖未之許至是復中前請並聲稱帶傷病員弁勇丁回湘暫將全軍併為十一營以節糜費而以蕭章開權統之安葬之後由湘選募丁壯來甘等情因據情附片陳奏在案是年夏錦棠至蘭州宗棠聞西甯逆回馬文祿兇第勾結陝回白彥虎守大小峽口抗拒官兵當即遣錦棠率兵馳往西甯相機勦撫錦棠到嶽伯後士回續繳馬械到營馬疲械鈍與前無異錦棠以回情多詐恐老師難餉款我兵機因出示曉諭士回安堵無

恐以便直搏陝回巢穴留龍錫慶綏定兩營紫七里舖親率馬步進紫平戎驛地勢
平闊逼近陝回所踞之大小南川並分兵聯紫馬營灣及二十里舖與小峽毗連地勢
途上回堡寨僅留壯丁守待收樓餘均早逃錦棠調其有異飭所部勿犯狄毫免其藉口
七月初十日余虎恩率隊入觀音堂溝放水士回開槍拒勇丁二名十一日錦棠率
馬隊至峽口周覽地勢突見堡中出馬步百餘旆放槍官軍舉槍還擊賊遁十二日馬
營灣各營瞥見馬步賊千餘山山頂繞至檢柴溝部黨劫譚上運董福祥張俊李雙梁等
由左路登山邀擊陶生林熊隆名率馬步沿溝列陣山險路窄逆回排列軍額特險穩拒
錦棠分軍揮隊上山立斃悍賊多名逆回滾溝而逃是日另有馬步悍賊二千餘由府城
而來竟奔硤口撲近三十里舖營盤滹河北岸亦有賊數百隔河吶喊助勢何作霖因修
壘未成僅派洋礮隊出伏破虛及山溝內向賊轟擊逆回見大隊未出又恃紅水溝之賊
已繞後路邀擊撲愈近何作霖俟其攻撲逾時氣早衰竭整隊猛出擊之逆回驚潰追逾
山原數重據擒賊供稱紅水溝係白彥虎舉人才馬鐵等逆賊口一帶係馮得珍據二
等逆內雜有西甯七回錦棠計逆回既糾股出戰決不遜回老巢預飭余虎恩分伏馬營
灣各山岔復飭譚和義蘇大德熊隆名等由馬營灣渡滹擊峽口北山之賊又調陶生林
李雙梁張俊等赴三十里舖助剿十三日逆回果率大股三四千分布峽口南北兩山繞
至峽東各營仍照常築壘陶生林等先後齊集遂飭何作霖等衝撲峽口張俊李雙梁分
起仰攻南山陶生林由山溝鈔賊後逆回已先於夜間在嶺中砌石卡二座憑卡放槍南
山之賊亦憑險死據槍礮如雨血戰逾時譚和義等已渡滹馳上北山立將山頂踞逆擊
散徑趨峽口以西陶生林亦從溝內鈔出南山之南賊乃大潰何作霖乘勝衝入峽內攻
破石卡卡賊無得脫者生擒余逆所部頭目李金良斬之是日馬步賊數百由紅水溝遁

運而出亦遇伏驚竄十四日謀稱平戎西高疆口桌子山有賊乘夜修壘並有大股賊在
 溝屯聚錦棠即率馬步馳抵高疆遙見山嶺堅壘已成溝內有土回空堡五座仍為賊踞
 各山頭賊旗林立衆約五六千當飭陶生林余虎恩等由左路入溝擊踞堡之賊飭譚和
 義等由中路登山徑攻賊壘熊隆名李雙梁由右路擊各山援賊弁丁奮躍直前賊懸壘
 穩抗山上之賊併力下援陶生林熊隆名等揮軍合擊賊愈時餘悍賊無財由上各賊
 潰堡中賊亦奪門逃竄踞壘之賊遂齊隊衝出譚和義等截之復退縮入壘名等敗賊
 又奮衆回援陶生林譚上連等分路堵擊自辰至酉賊始敗奔各營會攻山壘賊槍礮
 併發急攻不下時已昏暮錦棠督軍露宿環攻五鼓時風霜凜烈逆回趁月夜賊營時由
 壘西峻壁滾身潛遁追斬數十名其墮折手足及自盡受傷者尤衆日是另股賊由出陝
 口攻何正霖營盤何作霖及尹興茂席大成等力戰卻之十九日飭李雙梁分哨太平戎
 以四大股賊仍由高疆溝口而出錦棠揮軍分三路進擊賊知不敵仍退縮入溝官軍追
 之賊且戰且退官軍結方陣以進直搗高家堡即逆首白彥虎行巢也白逆衆返歸官
 軍如牆而進繼悍賊百餘賊棄巢狂奔官軍焚其巢而返是日有步賊二千餘出陝口撲
 何作霖營壘復有騎賊由北岸渡湟鈔出霖後勢甚兇悍何作霖堅守不出及午賊氣已
 衰官軍開壁齊出尹興茂扼其前何作霖及席大成繞壘後包鈔又分哨先堵渡口馬賊
 倉卒搶渡中流沉溺者數十名渡河不及者悉被殺斃壘前之賊亦負創而遁二十一日
 錦棠督軍在馬營灣修壘聞陝口礮聲又見馬賊數百已由何作霖壘後繞至上紅莊一
 帶密飭陶生林等率馬隊分伏廢堡躍出步隊合力夾攻逆回奔逃不及大敗而奔飛水
 而淹沒落後者悉被擒錦棠分兵扼河親率熊隆名董福祥等馳赴陝口何作霖壘賊已
 久見援兵大至奮威猛撲各營繼之賊乃大敗山頂尚有賊數百散槍助勢熊名等下

馬步戰賊遂滾溝而逸計自進兵以來擒斬已二千餘名高疆薄之捷賊斃紅衣賊目據擒賊供係白彥虎總目稱馬六元部最兇悍者也左宗棠聞之對幕賓曰小峽口者即趙充國傳中之四望隄也誠邊徼要區哉爰築碑以紀戰績

案前漢書趙充國傳充國馳至金城發兵萬騎欲渡河恐為虜所遮自夜遣

三校銜枚先渡渡輒營陳會明畢遂一次盡渡虜數十百騎來出入軍傍充

國曰吾士馬新倦不可馳逐此皆驍騎難制又恐其為誘兵也擊虜以殄滅

為期小利不足貪令軍勿擊遣騎候四望隄中亡虜夜引兵上至營都即今青海

樂都縣服虔曰山名也召諸校司馬謂曰吾知羌虜不能為兵矣使騎發數十人守杜

四望隄中兵豈得入哉遂西至西部都尉府

四望隄漢書注文預曰金城有三隄在南六百里師古曰山峭而夾水曰隄四望者隄名也今以地勢言之湟中在省西北

固不在南或謂三隄者指老鴉隄大隄小隄也而充國西至西部都尉府漢

西部都尉府治在臨羌縣臨羌遺址在今青海所屬湟源之南是金城郡屬最西之一縣其地距西甯二百四十里今由西甯赴湟源縣一百一十里西距西甯城八十里卽入石峽古名戎石峽峽長三十里出峽口卽至湟源城乃成四峽矣現在西北而不在南注又誤矣

又樂都縣西北踞西甯城一百三十里東南至享堂一百里

老鴉城在樂都縣東南五十里由老鴉城東南行三二里卽入老鴉峽矣其

峽爲南大山北大山兩山所成

其山石質上覆以土

湟水流其中乃係山西甯赴蘭州

之捷徑極險隘路循湟水北傍崖行內有大小石崖突出河上極其峻折俗名大小鸚哥嘴乾隆初礪伯縣徐志西州州宰開修大石崖已平坦小石崖更覺險阻人力難施然不過數十武今猶架木加板下覆以土以利行旅所謂

趙營平遠騎候四望陔者即此而南北兩大山自應名爲四望山矣清初楊

應琚西甯府志暨左宗棠所爲碑文均以西甯小峽口爲四望陔大誤

西甯逆首馬佳元等犯官軍營壘劉錦棠督軍擊卻之

馬佳元集西甯城內回及撤拉土回馬步數千分爲

二股一循山而下城司李雙梁防營一出彥才溝以阻官軍援路錦棠率游擊熊隆名等分路迎勦賊多伏山谷間錦棠揮軍急進雙梁出壘夾攻賊敗退踞原上礮臺憑高下擊提督譚和義等率馬步由小戎驛馳至賊之出彥才溝者知勢不敵縮入溝內官軍鼓銳登山賊大敗墜崖死者無數

冬十月劉錦棠督軍圍西甯府城

先是鄧馬福祥等自九月至此連破西甯城內堂溝彥才溝小峽溝馬圍口小戎驛城家灣等處

賊寨百餘所馬桂元遂乞撫撤拉八工逆回亦具撫稟錦棠識其詐乃令余虎恩唐大威分防五十里鋪各壘自率軍登北岸山頂賊分三股來犯錦棠以南岸各卡完固是以制賊令鄧增用開花礮轟北山賊破其三壘斬悍賊七百餘賊大潰一由滄北甯南家口一免水渡滄而南途平峽內羅家灣羊角灣一帶賊壘次日黎明遙見西甯城城寨火起錦棠率軍疾進抵東關逆首駐本元已遁已燕戎連日殺賊二千餘城圍遂解十回陝回均投誠乞撫

西甯府志西甯府古西羌所居謂之湟中漢武帝逐諸羌築令居寨官時趙充國伐先零諸羌以其地開屯田置破羌縣屬全城郡後漢建安中分置西平郡治西都縣晉初

因之東晉末西涼禿髮烏孤據為國都後魏孝昌二年置鄯州改破羌縣為西都後周置
樂都郡隋開皇初郡廢十八年改縣曰湟水大業初復為西平郡唐武德二年復曰鄯州
儀鳳二年置都督府開元二十一年置龍右節度使天寶初曰西平郡乾元初復鄯州屬
隴右道寶曆元年沒入吐蕃宋初屬西夏後為吐蕃所據號青唐城元符二年收復復置
鄯州隴右節度三年棄之崇寧三年收復建隴右都護府改鄯州為西甯州後復屬西夏
元至元中仍為西甯州屬甘肅行省明洪武十九年改為西甯衛隸陝西行都司清初因
之雍正三年改衛為府領縣二衛一乾
隆三年增領所一清末領縣三德四

松門楊總瑀曰西甯表裏山河為得形勢而歷代得失每在五郡之先其故何哉蓋茲郡
一線東通三面外暴如以孤絙懸彈丸擲之羌戎掌中而又設有市口諸貨輻輳不特五
方雜厝有不遠數萬里而至者城中牝牡騶黃冬日伏櫪常以數千計乃堂皇籬落自為
中外吁危矣世宗憲皇帝平定青海隔絕諸羌銷烽灌燧以迄於今又割大通衛以為後
障嗣增貴德所以作前屏儼然以大郡也余待罪於茲上有三載於沿邊要隘如黑占城
河拉庫托巴燕戎諸處申請轉奏築堡增兵設文武官又屈指有九星羅若布櫛次鱗比
有苞桑盤
石之安

督署令行化平廳建歸儒書院

化平新設向無書院左宗棠令有司速為籌辦有司呈
稱初開草昧安用詩書况在屯門識字者少書院之設

請俟他日宗棠大加申斥略謂昔元胡峴起沙漠雷之妃峻魯禾帖兒助天方教人建
立書院即以回教言之能詩之丁鶴年河州之馬應龍何一非邑邑中人况化平為涇水

批答文庫
其知事來
云既不做
文好話所
諸書院與
各書院與
其再辦新
其再辦新
其再辦新

發源地空同有黃帝問道宮靈秀所鍾代生英傑何地無才願視培植者如何耳該偉
意存推誠反婦女之不如矣限三月內將書院修理完竣大門題額即以歸儒名之
案元太祖諱四子拖雷之妃暖魯禾帖兒有才智曾為定宗主實賜事信天主教而待天
方教人亦厚布哈爾教人講建書院助黃金一千巴立施故此書院名曰喀尼譯義為后
猶言皇后之書院也
生徒千人輿論稱頌

鄧隆曰甘肅回教阿洪不許子弟讀書自同治亂平左文襄公安插陝回於

化平建歸儒書院復立義學迫令讀書習禮義從者殊寡宣統以後設學堂

始稍從學民國十七年導河匪變蔓延五十縣慘殺數十萬人而回民多自

拔不肯從逆學問能化氣質移習尚息鬪爭其明效大驗如是蒞茲土者當

知所從事矣

賊據大通縣向陽堡官軍攻克之

向陽堡逆目馬進祿暖泉逆目韓起壽皆馬姓元黨
負固不服已據陝回崔偉舉大才等頗勦賊自効劉

錦棠令譚慎典率馬隊十餘騎督同前進與賊戰於姑姑加莊不利官軍撫回各
有傷亡錦棠揮軍急攻向陽克之斬賊千餘敗賊遁入二小堡積福祥攻拔之

案西甯府志大通縣古西羌地後屬吐谷渾吐蕃明時為海夷麥力幹所據清初為青海蒙古部落在西甯北川營開門外三十里地有塔屋灰聖之故謠謂之白塔兒雍正元年逆酋羅卜藏丹津等脅番羌犯我邊城世宗皇帝命將韓罪致討應時攝政王定西陲以北地路通甘涼逼近西平四年築大通永安白塔三城設官兵分守置大通縣屬西甯府

逆回馬桂元請官軍暫退碾伯即誠心就撫劉錦棠不許

是月一七日西甯道郭襄之遣人絕城來告

被圍兩月城中糧食將盡十四日五鼓賊乘梯襲城雖經擊退勢甚危迫乞速援適馬桂元稟請官軍暫退碾伯即誠心就撫又撤拉八工回昂資奴勒亦具稟代西甯士回乞撫劉錦棠知其意在緩兵十八日黎明飭余虎恩席大城護五十里鋪各營自率各營大礮上北岸山頂正在分撥之際賊忽分三股一由小峽口南山一由馬營灣逕犯官營安意乘南岸之虛其大股則向北山急進劉錦棠以南岸各卡修繕完固足以制賊命部曾測準北山賊壘開大礮轟擊令譚和義護之

面分飭兩路攻左右賊壘一路擊正中

大股一路策應兩時之久發大礮子六十餘賊三壘牆垣皆坍塌匿溝中劉錦棠率各路猛進賊大潰官軍蹙踪緊追連破北山四面卡壘十餘座乘勝壓下山梁賊棄山麓各壘而逃一由涅北竄韻家口一覺水渡湟而南當將峽內羊角灣羅家堡二十里鋪十里鋪一帶卡壘悉數踏平其南岸之賊見官軍自北而南截其歸路竄走南山之南余虎恩席大成追之破其山上卡壘十餘座越山至鷓角灣會隊其竄韻家口一帶者見董福祥隨照壁等引軍突至均棄寨向西甯而逃薄暮劉錦棠飭各營歸隊分紮兩岸賊壘一面修築壕牆防賊回撲夜分馬賊數千復拚死來犯官軍結隊衝擊賊屍遍野即時敗遁

案西甯府志碾伯古湟中地漢神爵二年置破羌縣屬金城郡魏因之晉廢為樂都郡地後魏孝昌二年改曰西都縣後廢屬鄯州周復屬樂都郡隋開皇十八年置縣曰湟水屬西平郡唐復改屬鄯州寶應初陷吐蕃宋元符初收復置湟州大觀三年陞為饗德軍節度使宣和元年改為樂州明初立碾伯衛洪武十九年移衛於西甯州碾伯為右所清初設所雍正三年置碾伯縣屬西甯府

十一月逆首馬桂元馬本元等向巴燕戎格逃竄西甯府城克復

十九日黎明官軍瞭見西甯府

城各莊寨火起劉錦棠飛調馬步迅進比抵東關逆首馬本元馬桂元等已回土回頭目於先夜三鼓各挈逆眷向東川竄走後馬賊數百被陶生林等追擊四散向南川而遁計連日斃賊約三四千馬騾軍械遺失滿路署四甯道郭襄之西甯知縣恩祿率城內難民男婦二萬餘人望塵迎拜劉錦棠遂加撫諭令其照常防守其城外老弱回民約千餘口願乞曲貸生命亦令免死安插並諭土回被裹者准其歸正安插旋探得馬本元馬桂元二犯帶同土回頭目挈眷將逃入撒拉已抵巴燕戎格陝回亦焚棄大小南川巢穴竄踞西川意圖由甘往肅與馬四合勢積年巨寇始備兵威西甯漢民共慶更生無怪其喜極而涕零也事聞賞給劉錦棠白玉翎管一枝白玉搬指一箇大荷包一對小荷包兩箇火鏢一把以示優異各將領賜號進秩有差其餘出力員弁勇丁准其彙案保獎歷次陣亡各員交部分別從優議卹

案西甯府志巴燕戎格撫番廳在府東南一百八十里東至杏兒溝碾伯縣界一百二十里西至郭密西甯縣界二百六十里南至黃河沿亂什扎貴德所界六十里北至克欠山

項礪伯縣界二十里東南過甘肅堂黃河沿河州界八十里東北至青沙山頂礪伯縣界
五十里西南至亦雜石黃河沿貴德所界二百二十里西北至亂思觀林牙堅西甯縣界

八十
五里

以劉錦棠著西甯鎮總兵兼代西甯道職務

十二月左宗棠以撫馬占鼇為統領駐河州

河州城南三十里舖回曾閱殿臣素與馬占鼇積不相能後雖就撫時借做會

聚號希圖死灰復燃時西甯雖已克復而馬桂源兄弟在逃難保不結連河回擾亂後防宗棠聞之欲重川占鼇以資鎮懾此以回制回之法也初占鼇就撫時遣其子安良詣安定大營宗棠使軍士皆張弓注矢舉刀按鞘夾道羅列命馬安良膝行而入而安良陽如平常出隨行者問曰我輩亡魂失膽爾何無汗安良曰矢注不射刀舉不擊鞘按不刺何懼之有宗棠聞而異之謂幕僚曰馬占鼇固回中之傑乃其子者亦非凡品將來彈壓河州其在馬氏父子乎至是以占鼇為統領駐河州聽候調遣河州東西兩鄉之回族從此蒸蒸日上堪膺闕寄榮戰一門手握強兵指不勝屈者皆宗棠之所培植而成也

是年蘭州收銷部司各鈔票

甘本苦瘠之區專仰給部撥各省協濟餉銀以資支放同治元年甘回猖獗軍用浩大各省同值時艱協餉不到前

護總督恩麟請頒發部鈔一百萬兩聊事補苴布政使段大章以部鈔未到請製司鈔以救目前之急續奉部頒發鈔一百萬串每鈔二串準銀一兩並在藩署東設官錢局專為

流通鈔法而設其時持鈔取錢固自易易三年錢儲停鑄持票者無錢可給官錢局閉歇
繞計省城前後製造司鈔八百九十萬串連部鈔共九百九十萬串行用日久鈔價益賤
城市交易每銀一兩易鈔二百五十串每鈔一兩僅抵制錢六文百物翔貴民困愈甚總
督左宗棠商同布政使崇保按察使楊重雅蘭州道瑋武以部司各鈔信用喪失無法維
持決定收燬之法當即飭司出示曉諭由布政司署限期收回旋據布政司崇保詳稱查
部頒部鈔一百萬串除官錢店呈繳一萬串並陸續收存敝鈔三十九萬七千四百八十
八串外此次收回部鈔一萬四千九百七十九串其破爛無著者五十七萬七千五百三
十二串又原製司鈔八百九十九萬串除官錢店陸續呈繳一十三萬九千三百三十二串
外此次收回司鈔八百三十七萬七千零二十三串五百文其破爛無著者一十八萬三
千六百四十四五百文數目悉屬相符統計發過府銀一萬三千九百六十四兩六錢制
錢二萬九千四百零五串一百一十五文五日竣事商民均便俟準部覆即
將所收鈔票銷燬此可見團法之未可輕議變更而多制之徒以病民也
蘇壽祺曰行使鈔票必先籌畫基本金而後可以見信於民蘭州自軍興以來風鶴一日
數驚為此百物翔貴四面楚歌之際公家妙手空空僅賴部司鈔票吸收民間現金四百
餘萬兩其數不為不多矣卒為限期收回
不顧信川民雖不言其能無愧於心乎

甘肅通志卷之二十一終

